

四庫全書

經部

欽定四庫全書

經部  
儀禮注疏

目錄  
卷一

詳校官監察御史<sub>臣</sub>曹坦

刑部郎中<sub>臣</sub>許兆椿覆勘

覆校官監丞<sub>臣</sub>侍朝

校對官中書<sub>臣</sub>陳林

謄錄舉人<sub>臣</sub>史堂

欽定四庫全書

經部四

儀禮疏序

禮類二 儀禮之屬

唐朝散大夫行太學博士弘文館學士臣賈公彥撰  
竊聞道本沖虛非言無以表其疏言有微妙非釋無能  
悟其理是知聖人言曲事資注釋而成至於周禮儀禮  
發源是一理有終始分為二部並是周公攝政太平之  
書周禮為末儀禮為本本則難明末便易曉是以周禮  
注者則有多門儀禮所注後鄭而已其為章疏則有二

家信都黃慶者齊之盛德李孟慙者隋曰碩儒慶則舉  
大略小經注疎漏猶登山遠望而近不知慙則舉小略  
大經注稍周似入室近觀而遠不察二家之疏互有修  
短時之所尚李則為先紫士冠三加有緇布冠皮弁爵  
弁既冠又著玄冠見於君有此四種之冠故記人下陳  
緇布冠委貌周弁以釋經之四種經之與記都無天子  
冠法而李云委貌與弁皆天子始冠之冠李之謬也喪  
服一篇凶禮之要是以南北二家章疏甚多時之所以

皆資黃氏案鄭注喪服引禮記檀弓云經之言實也明孝子有忠實之心故為制此服焉則經之所作表心明矣而黃氏妄云衰以表心經以表首以黃氏公違鄭注黃之謬也黃李之訓略言其一餘足見矣今以先儒失路後宜易塗故悉鄙情聊裁此疏未敢專欲以諸家為本擇善而從兼增已義仍取四門助教李玄植詳論可否僉謀已定庶可施矣函丈之儒青衿之俊幸以去瑕取玖得無譏焉

儀禮疏序

欽定四庫全書

儀禮注疏

提要

臣等謹按儀禮注疏十七卷漢鄭元注唐賈公彥  
疏儀禮出殘缺之餘漢代所傳凡有三本一曰戴  
德本以冠禮第一昏禮第二相見第三士喪第四  
既夕第五士虞第六特牲第七少牢第八有司  
徹第九鄉飲酒第十鄉射第十一燕禮第十

二大射第十三聘禮第十四公食第十五覲  
禮第十六喪服第十七一曰戴聖本亦以冠  
禮第一昏禮第二相見第三其下則鄉飲第  
四鄉射第五燕禮第六大射第七士虞第八  
喪服第九特牲第十少牢第十一有司徹第  
十二士喪第十三既夕第十四聘禮第十五  
公食第十六覲禮第十七一曰劉向別錄本  
即鄭氏所注賈公彥疏謂別錄尊卑吉凶次

第倫序故鄭用之二載尊卑吉凶雜亂故鄭  
不從之也其經文亦有二本高堂生所傳者  
謂之今文魯恭王壞孔子宅得亡儀禮五十  
六篇其字皆以篆書之謂之古文元註參用  
二本其從今文而不從古文者則今文大書  
古文附註士冠禮闕西闕外句註古文闕為  
絜闕為威是也從古文而不從今文者則古  
文大書今文附註士冠禮醴辭孝友時格句

註今文格為最是也其書自元以前絕無註  
本元後有王肅註十七卷見于隋志然賈公  
彥序稱周禮注者則有多門儀禮所注後鄭  
而已則唐初肅書已佚也為之義疏者有沈  
重見于北史又有無名氏二家見于隋志然  
皆不傳故賈公彥僅據齊黃慶隋李孟慙二  
家之疏定為今本其書自明以來刻本舛訛  
殊甚顧炎武曰知錄曰萬厯北監本十三經

中儀禮脫誤尤多以昏禮脫壻授綏姆辭曰  
未教不足與為禮也一節十四字賴有長安  
石經據以補此一節而其注疏遂亡鄉射禮  
脫士鹿中翽旌以獲七字士虞禮脫哭止告  
事畢賓出七字特牲饋食禮脫舉觶者祭卒  
解拜長者答拜十一字少牢饋食禮脫以授  
尸至取觶與七字此則秦火之所未亡而亡  
于監刻矣云云蓋由儀禮文古義與傳習者

少注釋者亦代不數人寫刻有訛舛不能校  
故紕漏至于如是也今參考諸本一一釐正  
著于錄焉乾隆四十一年九月恭校上

總纂官

臣紀昀

陸錫熊

臣孫士毅

總校官

臣

陸費

墀

欽定四庫全書

儀禮注疏原目

漢鄭氏目錄

唐賈公彥疏

士冠禮第一注童子任職居士位年二十而冠主人  
玄冠朝服則是仕於諸侯天子之士朝服皮弁素積  
古者四民世事士之子恒為士冠禮於五禮屬嘉禮  
大小戴及別錄此皆第一疏注釋曰鄭云童子任職  
居士位年二十而冠為  
士身加冠知者鄭見下昏禮及士相見皆據士身自  
昏自相見又大戴禮公冠篇及下諸侯有冠禮夏之

末造亦據諸侯身自加冠故鄭據士身自加冠為目也鄭云四民世事士之子恒為士者是齊語文彼云桓公謂管仲曰成民之事若何管子對曰四民勿雜處也公曰處士農工商若何管子對曰昔聖王之處士就閑燕也處工就官府也處商就市井也處農就田野也少而習焉其心安焉是四民世事士之子恒為士也引之者證此士身年二十加冠法若士之子則四十強而仕何得有二十為士自加冠也二十而冠者鄭據曲禮文二十曰弱冠故云年二十而冠其大夫始仕者二十已冠訖五十乃爵命為大夫故大夫無冠禮又案喪服小功章云大夫為昆弟之長殤鄭云大夫為昆弟之長殤小功謂為士者若不仕者也以此知為大夫無殤服也小記云丈夫冠而不為殤大夫身已加冠降兄殤在小功是身有德行得為大夫冠不以二十始冠也若諸侯則十二而冠故左傳襄九年晉侯與諸侯伐鄭還公送晉侯以公宴于

河上問公年季武子對曰會于沙隨之歲寡君以生  
注云沙隨在成十六年晉侯曰十二年矣是謂一終  
一星終也國君十五而生子冠而生子禮也君可以  
冠矣是諸侯十二而冠也若天子亦與諸侯同十二  
而冠故尚書金縢云王與大夫盡弁時成王年十五  
云王與大夫盡弁則知天子亦十二而冠矣又大戴  
禮云文王十三生伯邑考左傳云冠而生子禮也是  
殷之諸侯亦十二而冠若夏之天子諸侯與殷天子  
亦十二而冠可知若天子之子則亦十二而冠故禮  
記祭法云王下祭殤五又禮記檀弓云君之適長殤  
車三乘是年十九已下乃為殤故二十乃冠矣若天  
子諸侯冠自有天子諸侯冠禮故大戴禮有公冠篇  
天子自然有冠禮但儀禮之內亡耳士既三加為大  
夫早冠者亦依士禮三加若天子諸侯禮則多矣故  
大戴禮公冠篇云公冠四加者緇布冠皮弁爵弁後  
加玄冕天子亦四加後當加衮冕矣案下文云天子

之元子猶士天下無生而貴者則天子之子雖早冠亦用士禮而冠案家語冠頌云王太子之冠擬焉則天子元子亦擬諸侯四加若然諸侯之子不得四加與士同三加可知鄭又云冠於五禮屬嘉禮者鄭據周禮大宗伯所掌五禮吉凶賓軍嘉而言宗伯云以嘉禮親萬民下云以昏冠之禮親成男女是冠禮屬嘉禮者也鄭又云大小戴及別錄此皆第一者戴德戴聖與劉向為別錄十七篇次第皆冠禮為第一昏禮為第二士相見為第三自茲以下篇次則異故鄭云大小戴別錄此皆第一也其劉向別錄即此十七篇之次是也皆尊卑吉凶次第倫叙故鄭用之至於大戴即以士喪為第四既夕為第五士虞為第六特牲為第七少牢為第八有司徹為第九鄉飲酒第十鄉射第十一燕禮第十二大射第十三聘禮第十四公食第十五覲禮第十六喪服第十七小戴於鄉飲鄉射燕禮大射四篇亦依此別錄次第而以士虞為

第八喪服為第九特牲為第十少牢為第十一有司  
徹為第十二士喪為第十三既夕為第十四聘禮為  
第十五公食為第十六覲禮為第十七  
**儀禮疏**釋曰  
皆尊卑吉凶雜亂故鄭君皆不從之矣  
者一部之大名士冠者當篇之小號退大名在下者  
取配注之意故也然周禮言周不言儀儀禮言儀不  
言周既同是周公攝政六年所制題號不同者周禮  
取別夏殷故言周儀禮不言周者欲見兼有異代之  
法故此篇有醢用酒燕禮云諸公士喪禮云商祝夏  
祝是兼夏殷故不言周又周禮是統心儀禮是履踐  
外內相因首尾是一故周禮已言周儀禮不須言周  
周可知矣且儀禮亦名曲禮故禮器云經禮三百曲  
禮三千鄭注云曲猶事也事禮謂今禮也其中事儀  
三千言儀者見行事有威儀言曲者見行事有屈曲  
故有二  
**鄭氏注疏**釋曰後漢書云鄭玄字康成青州  
北海郡高密縣人鄭崇之後也言

注者注義於經下若水之注物亦名為著故鄭叙云凡著三禮七十二篇云著者取著明經義者也孔子之徒言傳者取傳述之意為義不同故題目有異也但周禮六官六十叙官之法事急者為先不問官之大小儀禮見其行事之法賤者為先故以士冠為先無大夫冠禮諸侯冠次之天子冠又次之其昏禮亦士為先大夫次之諸侯次之天子為後諸侯鄉飲酒為先天子鄉飲酒次之鄉射燕禮已下皆然又以冠昏士相見為先後者以二十而冠三十而娶四十強而仕即有摯見鄉大夫見已君及見來朝諸侯之等又為鄉大夫州長行鄉飲酒鄉射之事已下先吉後凶凶盡則行祭祀吉禮次叙之法其義可知畧陳儀禮元本至於禮之大義備於禮記疏

士昏禮第二注士娶妻之禮以昏為期因而名焉必

以昏者陽往而陰來日入三商為昏昏禮於五禮屬

嘉禮大小戴及別錄此皆第二疏

注釋曰鄭知是士娶妾之禮者以記

云記士昏禮故知是士娶妾鄭云日入三商者商謂商量是漏刻之名故三光靈曜亦日入三刻為昏不盡為明案馬氏云日未出日沒後皆云二刻半前後共五刻今云三商者據整數而言其實二刻半也

士相見禮第三注士以職位相親始承摯相見之禮

雜記會葬禮曰相見也反哭而退朋友虞祔而退士

相見於五禮屬賓禮大小戴及別錄皆第三疏

注釋曰鄭

云士以職位相親始承摯相見者釋經亦有大夫及庶人見君之禮亦有士見大夫之法獨以士相見為

名者以其兩士職位不殊同類昵近故以士相見為目云雜記會葬禮曰相見也反哭而退朋友虞祔而退者以送葬之禮恩厚者遲遲恩薄者退疾引之者證有執摯相見之義也云士相見於五禮屬賓禮者案周禮大宗伯五禮賓禮之別有八春朝夏宗秋覲冬遇時會殷同此六者是五等諸侯見天子無有自相朝覲之禮彼又云時聘曰問殷頌曰視二者是諸侯使臣出聘天子及自相聘之禮並執玉帛而行無執禽摯之法此篇直新升為士大夫之等同國執禽摯相見及見君之禮雖非出聘亦是賓主相見之法故屬賓禮也且士卑唯得作介從君與卿大夫出向他國無身自聘問之事案周禮行夫是士官其有美惡無禮特行無介始得出向他邦亦非聘問之法也然昏冠及喪祭尊卑各自有禮及執摯相見唯有此士相見其篇内含卿大夫相見以其新升為士或士自相見或士往見卿大夫或卿大夫下見士或見已

國君或士大夫見他國君來朝者新出仕從微至著以士為先後更有功乃升為大夫已上故以士為總號也又天子之孤卿大夫士與諸侯之孤卿大夫士執摯既同相見之禮亦無別也

鄉飲酒禮第四注諸侯之鄉大夫三年大比獻賢者

能者於其君以禮賓之與之飲酒於五禮屬嘉禮大

戴此乃第十小戴及別錄此皆第四疏

注釋曰鄭知此鄉飲酒是

諸侯之鄉大夫獻賢能法者案春官小胥掌樂縣之法而云凡縣鐘磬半為堵全為肆注云鍾磬者編縣二八十六枚而在一虞謂之堵鍾一堵磬一堵謂之肆半之者謂諸侯之卿大夫士也諸侯之卿大夫半天子之卿大夫西縣鍾求縣磬士亦半天子之士縣磬而已今此下唯縣磬而無鍾故以為諸侯卿大夫

也若然謂諸侯鄉大夫是大夫為之亦應鍾磬俱有而直有磬者鄭彼注云賓鄉人之賢者從士禮也故縣磬而已若然天子鄉大夫賓賢能從士禮亦鍾磬俱有不得獨有磬也知諸侯之鄉大夫非士者案鄉射記云士則鹿中大夫則兕中又經有堂則物當楫序則物當揀則非直州射兼有諸侯鄉大夫以五物詢眾庶行射之禮則知諸侯鄉大夫是大夫為之可知也凡鄉飲酒之禮其名有四案此賓賢能謂之鄉飲酒一也又案鄉飲酒義云六十者坐五十者立侍是黨正飲酒亦謂之鄉飲酒二也鄉射州長春秋習射於州序先行鄉飲酒亦謂之鄉飲酒三也案鄉飲酒義又有鄉大夫士飲國中賢者用鄉飲酒四也其王制云習射尚功習鄉尚齒還是州長黨正飲酒法

鄉射禮第五注州長春秋以禮會民而射於州序之

禮謂之鄉者州鄉之屬鄉大夫或在焉不改其禮射  
禮於五禮屬嘉禮大戴十一小戴及別錄皆第五疏

注釋曰鄭云州長春秋以禮會民而射於州序者周  
禮地官州長職文也鄭引之者證此鄉射是州長射  
法云謂之鄉者欲見州長射得名鄉射之意云州鄉  
之屬者周禮大司徒職云五州為鄉是州屬鄉故云  
州鄉之屬云鄉大夫或在焉者一鄉管五州鄉大夫  
或宅居一州之內則鄭注禮記云或則鄉之所居州  
黨而鄉大夫來臨此射禮是為鄉大夫在焉則名鄉  
射又鄉大夫三年大比興賢者能者訖而以鄉射之  
禮五物詢衆庶亦行此州長射禮以詢之亦是鄉大  
夫在焉故名鄉射云不改其禮者雖鄉大夫在其禮  
仍依州長射禮故云不改其禮案經鄉大夫射於庠  
云堂則由楹外又云堂則物當楹又云大夫用兕中

其禮與士射於序別而云不改者大射卿大夫士射  
先行鄉飲酒禮及未旅而射為不改其實亦有少異  
也鄭云射禮於五禮屬嘉禮者案周禮大宗伯云以  
嘉禮親萬民下有以賓射之禮親故舊朋友故知屬  
嘉禮也

燕禮第六注諸侯無事若卿大夫有勤勞之功與羣

臣燕飲以樂之燕禮於五禮屬嘉禮大戴第十二小

戴及別錄皆第六疏

注釋曰案上下經注燕有四等  
目錄云諸侯無事而燕一也卿

大夫有王事之勞二也卿大夫有聘而來還與之燕  
三也四方聘客與之燕四也若然目錄云卿大夫有  
勤勞之功兼聘使之勞王事之勞二者也知臣子願  
聘還與之燕者四壯勞使臣是也知有王事之勞燕

者下記云若以樂納賓則賓及庭奏肆夏鄭注云卿大夫有王事之勞則奏此樂焉是也知君臣無事有燕者案魯頌云夙夜在公在公明明振振鷺鷺于下鼓咽咽醉言舞于胥樂兮鄭箋云君臣無事則相與明義明德而已潔白之士羣集於君之朝君以禮樂與之飲酒燕樂以盡其歡是其無事而燕也又知賓及庭奏肆夏是已之臣子有王事之勞者案郊特牲云賓入大門而奏肆夏鄭注云賓朝聘者是異國聘賓入大門奏肆夏故知記云賓及庭奏肆夏者是已之臣子也又知異國聘賓有燕者聘禮所云燕與時賜者是也

大射儀第七注名曰大射者諸侯將有祭祀之事與其羣臣射以觀其禮數中者得與於祭不數中者不

得與於祭大射儀於五禮屬嘉禮大戴此第十三小

戴及別錄皆第七疏

注釋曰云諸侯將有祭祀之事以下文出於射義

聘禮第八注大問曰聘諸侯相於久無事使卿相問

之禮小聘使大夫周禮曰凡諸侯之邦交歲相問也

殷相聘也世相朝也於五禮屬賓禮大戴第十四小

戴第十五別錄第八疏

注釋曰鄭云大問曰聘者則此篇發首所論是也云久無

事者案下記云久無事則聘焉注云事謂盟會之屬若有事上相見故鄭據久無事而言云小聘使大

夫者下經云小聘曰問其禮如為介三介是也周禮曰者大行人文鄭彼注小聘曰問殷中也久無事又

於殷朝者及而相聘也父死子立曰世凡君即位大  
國朝焉小國聘焉此皆所以習禮考義正刑一德以  
尊天子也必擇有道之國而就修之然歲相問殷相  
聘聘義所云比年小聘三年大聘是大行人云上  
公九介侯伯七介子男五介又云凡諸侯之卿其禮  
各下其君二等聘義上公七介侯伯五介子男三介  
是諸侯之卿介各下其君二等者也若小聘曰問使  
大夫又下其卿二等此聘禮是侯伯之卿大聘以其  
經云五介上介奉束錦士介四人皆奉玉錦又云及  
竟張旌孤卿建旌據侯伯之卿之聘者必見侯伯之  
卿聘者周公作經互見為義此見侯伯之卿大聘玉  
人云璪圭璋八寸璧琮八寸以類聘據上公之臣公  
食大夫俎實云倫膚七據子男之臣是各舉  
一邊而言明五等俱有是其互見為義也

# 公食大夫禮第九注

主國君以禮食小聘大夫之禮

於五禮屬嘉禮大戴第十五小戴第十六別錄第九

疏

注釋曰鄭知是小聘大夫者案下文云宰夫自東房薦豆六於醬東設黍稷六簋又設庶羞十六豆

此等皆是下大夫小聘之禮下乃別云上大夫八豆八簋又云上大夫庶羞二十豆是食上大夫之法故知此篇據小聘大夫也若然聘禮據侯伯之大聘此篇小聘大夫者周公設經互見為義案篇末云魚腸胃倫膚若九若十有一下大夫則若七若九鄭注云此以命數為差九謂再命者十一謂三命者七謂一命者九或上或下者再命謂小國之卿次國之大夫也卿則曰上大夫則曰下大國之孤視子男以此言之魚腸胃倫膚皆七者謂子男小聘之大夫此公食序在聘禮之下是因聘而食之不言食賓與上介直云大夫者若云食賓與上介則小聘使下大夫上介乃是士是以直云大夫兼得大夫聘賓與上介亦兼

義  
小聘之賓若然聘禮據大聘因見小聘此公食先見  
小聘後言大聘者欲見大聘小聘或先或後不常之

覲禮第十注覲見也諸侯秋見天子之禮春見曰朝  
夏見曰宗秋見曰覲冬見曰遇朝宗禮備覲遇禮省  
是以享獻不見焉三時禮亡唯此存爾覲禮於五禮

屬賓大戴第十六小戴十七別錄第十疏

注釋曰鄭云春見曰

朝等大宗伯文云朝宗禮備覲遇禮省者按曲禮下  
云天子當宸而立諸侯北面而見天子曰覲天子當  
寧而立諸公東面諸侯西面曰朝鄭注諸侯春見曰  
朝受摯於朝受享於廟生氣文也秋見曰覲一受之

於廟殺氣質也朝者位於於內朝而序進觀者位於於廟門外而序入王南面立於康寧而受焉夏宗依春冬遇依春秋時齊侯言魯昭公以遇禮相見取易略也覲禮今存朝宗遇禮今亡據此注而言是朝宗禮備覲遇禮省可知鄭又云是以享獻不見焉者享謂朝覲而行三享獻謂三享後行私覲私覲後即有私獻獻其珍異之物故聘禮記云既覲賓若私獻奉獻將命注云時有珍異之物或賓奉之所以自序尊敬也猶以君命致之臣聘猶有私獻况諸侯朝覲有私獻可知是以周禮大宰職云大朝覲會同贊玉幣玉獻注云幣諸侯享幣玉獻獻國珍異亦執玉以致之大朝覲會同既有私獻則四時常朝有私獻可知案下文有享亦當有獻而云享獻不見者案周禮大行人云上公冕服九章介九人賓主之間九十步廟中將幣三享侯伯子男亦云鄭云朝先享不言朝者朝正禮不嫌有等彼據春夏朝宗而言不見秋冬者以

四時相對朝宗禮備故見之覲遇禮省故略而不言此下文見享者不對春夏故言之鄭云是以享獻不見者據周禮大行人而說也必知鄭據大行人者以其引周禮四時朝見即云是以享獻不見明鄭據周禮大行人而言也有人解享字上讀以獻不見為義者苟就此文有享無獻不辭之甚也

喪服第十一 ○子夏傳注天子以下死而相喪衣服

年月親疎隆殺之禮不忍言死而言喪喪者棄亡之

辭若全存居於彼焉已亡之耳大戴第十七小戴第

九劉向別錄第十一疏

注釋曰案禮器云經禮三百曲禮三千鄭云經禮謂周禮

也曲猶事也事禮謂今禮也禮篇多亡大數未聞其中事儀三千若然未亡之時有天子諸侯卿大夫士

之喪禮其篇各別今皆亡唯士喪禮在若然據喪服一篇總包天子以下服制之事故鄭目錄云天子以下相喪衣服親疎之禮喪服之制成服之後宜在士喪始死之下今在士喪之上者以喪服總包尊卑上下不專據士故在士喪之上是以喪服為第十一喪服所陳其理深大今之所釋且以七章明之第十一明黃帝之時朴略尚質行心喪之禮終身不變第二明唐虞之日淳朴漸虧雖行心喪更以三年為限第三明三王以降流偽漸起故制喪服以表哀情第四明既有喪服須明喪服二字第五明喪服章次以精麤為序第六明作傳之人并為傳之意第七明鄭氏之注經傳兩解之第一明黃帝之時朴略尚質行心喪之禮終身不變者案禮運云昔者先王未有宮室食鳥獸之肉衣其羽皮此乃伏羲之時也又曰後聖有作治其絲麻以為布帛養生送死以事鬼神此謂黃帝之時也又案易繫辭云古之葬者厚衣之以薪葬

之中野不封不樹喪期無數在黃帝九事章中亦據黃帝之日言喪期無數是其心喪終身者也第二明唐虞之日淳朴漸虧雖行心喪更以三年為限者案禮記三年問云將由夫患邪淫之人與則彼朝死而夕忘之然而從之則是曾鳥獸之不若也夫焉能相與羣居而不亂乎將由夫修飾之君子與則三年之喪二十五月而畢若駟之過隙然而遂之則是無窮也故先王焉為之立中制節壹使足以成文理則釋之矣然則何以至期也曰至親以期斷是何也曰天地則已易矣四時則已變矣其在天地之中者莫不更始焉以是象之也鄭注云法此變易可以期也又云然則何以三年也注云言法此變易可以期何以乃三年為又云曰加隆焉爾也焉使倍之故再期也注云言於父母加隆其恩使倍期也據此而言則聖人初欲為父母期加隆焉故為父母三年必加隆至三年者孔子答宰我云子生三年然後免於父母之

懷是以子為之三年報之三年問又云三年之喪人道之至大者也夫是之謂至隆是百王之所同古今之所壹也未有知其所由來者也注云不知其所從來喻此三年之喪前世行之久矣既云喻前世行之久則三年之喪實知其所從來但喻久爾故虞書云二十八載帝乃殂落百姓如喪考妣三載四海遏密八音是心喪三年未有服制之明驗也第三明三王已降澆偽漸起故制喪服以表哀情者案郊特牲云大古冠布齊則緇之鄭注云唐虞已上曰大古又曰冠而槩之可也注云此重古而冠之耳三代改制齊冠不復用也以白布冠質以為喪冠也據此而言則唐虞已上吉凶同服惟有白布衣白布冠而已故鄭注云白布冠為喪冠又案三王以來以唐虞白布冠為喪冠又案喪服記云凡衰外削幅裳內削幅注云大古冠布衣布先知為上外殺其幅以便體也後知為下內殺其幅稍有飾也後世聖人易之以此為喪

服據此喪服記與郊特牲兩注而言則鄭云後世聖人夏禹也是三王用唐虞白布冠白布衣為喪服矣第四明既有喪服須明喪服二字者案鄭目錄云不忍言死而言喪喪者棄亡之辭若全存於彼焉已棄亡之耳又案曲禮云天子曰崩諸侯曰薨大夫曰卒士曰不祿庶人曰死爾雅曰崩薨卒不祿皆訓死也是士以上為義稱庶人言死得其總名鄭注曲禮云死之言漸精神漸盡又案檀弓孔子云喪欲速貧春秋左氏傳魯昭公出居乾侯齊侯唁公於野井公曰喪人其何稱是喪棄亡之辭棄於此存於彼是孝子不忍言父母精神盡漸雖棄於此猶存於彼以此鄭義言之其喪字去聲讀之人或以平聲讀之者雖不與同義亦通也死者既喪生人制衣服服之者但貌以表心服以表貌故禮記閒傳云斬衰何以服苴苴惡貌也所以首其內見諸外斬衰貌若苴齊衰貌若象大功貌若止小功緦麻容貌可也下又云斬衰三升

三升半齊衰四升以下是其孝子喪親以衣服表心  
但吉服所以表德凶服所以表哀德有高下章有升  
降衰有淺深布有精粗不同者也第五明喪服章次  
以精粗為叙者案喪服上下十有一章從斬至緦麻  
升數有異異者斬有正義不同為父以三升為正為  
君以三升半為義其冠同六升三年齊衰惟有正服  
四升冠七升繼母慈母雖是義以配父故與因母同  
是以畧為節有正而已杖期齊衰有正而已父在為  
母與為妻同正服齊衰五升冠八升不杖齊衰期章  
有正有義二等正則五升冠八升義則六升冠九升  
齊衰三月章皆義服齊衰六升冠九升曾祖父母該  
是正服但正服合以小功以尊其祖不服小功而服  
齊衰非本服故同義服也殤大功有降有義為夫之  
昆弟之長子殤是義其餘皆降服也降服衰七升冠  
十升義服衰九升冠十一升大功章有降有正有義  
姑姊妹出適之等是降婦人為夫之族類為義自餘

皆正衰冠如上釋也總衰唯有義服四升半冠七升而已以諸侯大夫為天子故同義服也殤小功有降有義婦人為夫之族類是義自餘皆降服降則衰冠同十升義則衰冠同十二升小功亦有降有正有義如前釋總麻亦有降有正有義皆如上陳但衰冠同十五升抽去半而已自斬以下至總麻皆以升數升數少者在前升數多者在後要不得以此升數為叙者一則正義及降升數不得同在一章又總衰四升半在大功之下小功之上鄭下注云在小功之上者欲審著縷之精粗若然喪服章次雖以升數多少為前後要取縷之精粗為次第也第六明作傳之人又明作傳之意傳曰者不知是誰人所作人皆云孔子弟子卜商字子夏所為案公羊傳是公羊高所為公羊高是子夏弟子今案公羊傳有云者何何以昌為孰謂之等今此傳亦云者何何以孰謂昌為等之問師徒相習語勢相連以弟子却本前師此傳得為子

夏所作是以師師相傳蓋不虛也其傳內更云傳者是子夏引他舊傳以証己意儀禮見在一十七篇餘不為傳獨為喪服作傳者但喪服一篇總包天子以下五服差降六術精粗變除之數既繁出入正殤文互恐讀者不能悉解其義是以特為傳解第七明鄭氏之注經傳兩解之云鄭氏者北海郡高密縣人姓鄭名玄字康成漢僕射鄭崇八世孫也後漢徵為大司農而不就年七十四卒於家云注者注義於經傳之下辨其義意若傳不釋經者則注在傳上以釋經若傳義難明者則在傳下以釋傳又在傳下注者須題云玄謂以別傳若在傳上注者不須題玄義可知或云注或云傳出注述者意耳或有解云前漢以前云傳後漢以後云注若然王弼王肅之等後漢之人云傳此說非也

士喪禮第十二注士喪其父母自始死至於既殯之

禮喪於五禮屬凶大戴第四小戴第八別錄第十二

疏

注釋曰鄭云自始死至於既殯之禮者自從也既已也謂從始死已殯之後未葬之前皆錄之是以

下殯後論朔奠筮宅并擲卜葬日之事也又云喪於五禮屬凶者案周禮大宗伯掌五禮吉凶賓軍嘉此於五禮屬凶若然天子諸侯之下皆有士此當諸侯之士知者下云君若有賜不言王又喪大記云君沐梁大夫沐稷士沐梁鄭云士喪禮沐稱此云士沐梁蓋天子之士也又大斂陳衣與喪大記不同鄭亦云彼天子之士此諸侯之士以此言之此篇諸侯之士可知但公侯伯之士一命子男之士不命一命與不命皆分為三等各有上中下及行喪禮其節同但銘旌有異故下云為銘各以其物亡則以緇長半幅物謂公侯伯之士一命已上生時得建旌旗亡謂子男之士生時無旌旗之物者唯此為異又鄭直云士喪

父母不言妻與長子二者亦依士禮故下記云赴曰君之臣某死赴母妻長子則曰君之臣某之某死是禮同故得同附於君之臣記不云父者以其經主於父死故記不言也

既夕第十三注士喪禮之下篇也既已也謂先葬二

日已夕哭時與葬間一日凡朝廟日請啟期必容焉

此諸侯之下士一廟其上士二廟則既夕哭先葬前

三日大戴第五刪小戴第十四別錄名士喪禮下篇

第十三疏

注釋曰鄭目錄云士喪禮下篇者依別錄而言以其記下士之始死乃記葬時而總

計之故名士喪禮下篇也鄭又云先葬二日與葬間一日者驗經云既夕哭請啟期告於賓明旦夙興開

殯即遷於祖一日又厥明即葬故知是葬前二日與葬間一日也云必容者請啓期在葬前二日中間容朝廟一日故云必容焉鄭又云此諸侯下士一廟其上士二廟則既夕哭先葬前三日者以其一廟則一日朝二廟則二日朝故葬前三日中間容二日故三日若然大夫三廟者葬前四日諸侯五廟者葬前六日天子七廟者葬前八日差次可知

士虞禮第十四注虞安也士既葬其父母迎精而反

日中而祭之於殯宮以安之虞於五禮屬凶大戴第

六小戴第十五別錄第十四疏

注釋曰案此經云側亨于廟門外之右又

記云陳牲於廟門外皆云廟目錄云祭之殯宮者廟則殯宮也故鄭注士喪禮凡宮有鬼神曰廟以其虞

卒哭在寢祔乃在廟是以鄭注喪服小記云虞於寢祔於祖廟是也

特牲饋食禮第十五注特牲饋食之禮謂諸侯之士

祭祖禰非天子之士而於五禮屬吉禮疏

注釋曰鄭知非天子

之士而云諸侯之士者案曲禮云大夫以索牛士以羊豕彼天子大夫士此儀禮特牲少牢故知是諸侯大夫士也且經直云適其皇祖某子不云考鄭云祖禰者祭法云適士二廟官師一廟官師謂中下之士祖禰共廟亦兼祭祖故經舉祖兼有禰者鄭達經意祖禰俱言也若祭無問一廟二廟皆先祭祖後祭禰是以文二年左傳云文武不先不密子不先父是也若祭無問尊卑廟數多少皆同日而祭畢以此及少牢惟筮一日明不別日祭也

少牢饋食禮第十六注諸侯之卿大夫祭其祖禰於

廟之禮羊豕曰少牢少牢於五禮屬吉禮大戴第八

小戴第十一別錄第十六疏

注釋曰鄭知諸侯之卿大夫者曲禮下云大夫

以索牛用大牢是天子卿大夫明此用少牢為諸侯之卿大夫可知賓尸是卿不賓尸為下大夫為異也

有司徹第十七注少牢之下篇也上大夫既祭饗尸

於堂之禮若下大夫祭畢禮尸於室中無別行饗尸

於堂之事天子諸侯之祭明日而繹有司徹於五禮

屬吉大戴第九小戴第十二別錄少牢下篇第十七

疏注釋曰言大夫既祭饗尸於堂之禮者謂上大夫室中事尸行三獻禮畢別行饗尸於堂之禮又云祭畢禮尸於室中者據下大夫室內事尸行三獻無別行饗尸於堂之事即於室內為加爵禮尸即下文云若不饗尸以下是也

儀禮注疏原目

儀禮注疏原目考證

士冠禮第一注主人玄冠朝服則是仕於諸侯天子之  
士朝服皮弁素積○朱子云此篇言主人玄冠朝服  
則是仕於諸侯而為士者若天子之士則其朝服當  
用皮弁素積不得言玄冠朝服也鄭氏本文如此今  
見疏義而釋文乃以天子二字加於諸侯之上則舛  
繆而無文理矣今定從疏臣清植案全部儀禮士字  
皆指諸侯之士而言不謂天子之士也或以天子之

士與諸侯之士誤混為一故以天子二字加於諸侯  
上耳監本依朱子改正仍之

疏丈夫冠而不為殤○丈夫監本譌作大夫臣紱按

丈夫對女子而言於大夫無與從考喪服小記原文  
改正

又疏戴德戴聖○監本作大戴戴聖臣學健按二戴

稱名不應有異今改從同

儀禮○臣學健按此二字及下鄭氏注三字本應列於

卷首而今附於士冠禮第一之末士昏禮第二之前  
疏所謂取配注之意故退一部之大名在下者也

士昏禮第二注日入三商為昏疏謂商量是漏刻之名

○臣宗楷按商音傷商音的商字中作合商字中作

古詩齊風疏尚書緯謂刻為商蓋商乃漏箭所刻之  
處可證蘇易簡文三商而眠高春而起是也疏作商  
量未詳改從商謂商量是刻漏之名亦通

士相見禮第三疏行夫是士官○夫監本譌作人觀下

言美惡無禮是行夫職文非行人也今从周禮改正

鄉射禮第五疏春秋以禮會人○

臣學健

按唐人諱民

爲人然治經無改字之例此偶錯出者仍之

大射儀第七○監本脫儀字今依石經及朱子通解補

又注大射儀三字監本作射儀二字今以篇題正之

聘禮第八疏及而相聘也○而監本作時今考大行人

注改正義見彼注疏

覲禮第十疏據此注而言○注監本譌作彼今改正

既夕第十三○既夕下石經有禮字陸德明釋文無之

臣紱

按此舉篇首二字爲題禮字不必增黃榦續通

解作士喪禮下

注大戴第五刪○刪字未詳

特牲饋食禮第十五注於五禮屬吉禮○

臣紱

按以他

篇例之此下當有大戴第七小戴第十別錄第十五

計十三字諸本皆無未曉所由吳澄曾言當補今仍

闕之

有司徹第十七○石經及陸德明釋文敖繼公集說俱  
無徹字監本汲古閣本及黃幹續通解楊復儀禮圖  
竝有臣紱按此以篇首一句爲題全舉可也今仍之

儀禮注疏原目考證

欽定四庫全書

儀禮注疏卷一

漢鄭氏注 唐陸德明音義 賈公彥疏

士冠禮第一

士冠禮音義

冠古亂反下  
以意求之

○筮于廟門注筮者以著問

日吉凶於易也冠必筮日於廟門者重以成人之禮成

子孫也廟謂禰廟不於堂者嫌著之靈由廟神音義筮市

例反廟劉昌宗音廟案席古廟  
字著音尸禰乃禮反父廟也

疏

釋曰自此至宗人告  
事畢一節論將行冠

禮先筮諏日之事案下文云布席于門中闔西闔外者闔為門限即是門外故特牲禮筮日主人即位於門外西面此不言門外者闔外之文可參故省文也注釋曰鄭知筮以著者曲禮云龜曰卜著曰筮故知筮以著也云問日吉凶於易也者下云若不吉則筮遠日如初儀又案周禮大卜掌三易一曰連山二曰歸藏三曰周易筮得卦以易辭占吉凶故云問日吉凶於易也不筮月者夏小正云二月綏多士女冠子取妻時也既有常月故不筮也云冠必筮日於廟門者重以成人之禮成子孫也者案冠義云筮日筮賓所以敬冠事敬冠事所以重禮是筮日為重禮之事也冠義又云古者重冠重冠故行之於廟行之於廟者所以尊重事尊重事而不敢擅重事不敢擅重事所以自卑而尊先祖也是成人之禮成子孫也此經唯論父子兄弟不言祖孫鄭兼言孫者家事統於尊若祖在則為冠主故兼孫也云廟謂禰廟者案昏禮行事皆直云廟記云凡行事受諸禰廟此

經亦直云廟故知亦於禰廟也然儀禮之內單言廟者皆是禰廟若非禰廟則以廟名別之故聘禮云賓朝服問卿卿受于祖廟又受聘在始祖廟既云不腆先君之祧是不言於廟舉祖祧以別之也士於廟若天子諸侯冠在始祖之廟是以襄九年季武子云以先君之祧處之祧則與聘禮先君之祧同謂遷主所藏始祖廟也若然服虔注以祧為曾祖者以其公還及衛冠於衛成公之廟服虔注成公衛曾祖故以祧為曾祖廟時不冠於衛之始祖以非已廟故也無大夫冠禮若幼而冠者與士同在禰廟也云不於堂者嫌著之靈由廟神者此據經冠在廟堂此著筮在門外不同處故以廟決堂以著自有靈知吉凶不假廟神故云嫌著之靈由廟神也案天府職云季冬陳玉以貞來歲之美惡注云問歲之美惡謂問於龜凡卜筮者實問於鬼神著龜能出其卦兆之占耳若然卜筮實問七八九六之鬼神故以六玉禮耳而著龜直能出其卦兆之占似無靈者但著龜卦兆各

有所對若以著龜對生數成數之鬼神則著龜直能出卦兆不得有神若以卦兆對生成之鬼神則著龜亦自有神是以易繫辭云著之德圓而神又云定天下之吉凶成天下之亹亹者莫善於蓍龜又郭璞云上有陰叢蓍下有千齡蔡凡蟲之智莫善於龜几草之靈莫善於蓍蓍龜自有靈也是知蓍自有神不假鬼神也不於寢門筮者一取成人之禮成子孫二兼取鬼神之謀故易繫辭云人謀鬼謀鄭注云鬼謀謂謀卜筮於廟門是也

主人玄冠朝服緇帶素鞶即位于門東西面注主人將冠者之父兄也玄冠委貌也朝服者十五升布衣而素裳也衣不言色者衣與冠同也筮必朝服尊蓍龜之道也緇帶黑緇帶也士帶博二寸再繚四寸屈垂三尺素

韠白韋韠也長三尺上廣一尺下廣二尺其頸五寸肩  
革帶博二寸天子與其臣玄冕以視朔皮弁以日視朝  
諸侯與其臣皮弁以視朔朝服以日視朝凡染黑五入  
為緇七入為緇玄則六入與音義

朝直遙反注同後朝服放此緇側其反韠

音畢蔽膝也緇似陵反繅音了劉音遠長直亮反廣狹曰廣古曠反他皆曠反凡度長短曰長直亮反度廣狹曰廣古曠反他皆放此弁皮彥反緇側留

**疏**

釋曰此主人將欲謀日之時先服即位於禰席門外東西

面立以待筮事也注釋曰經直云主人當是父子加冠之禮知兼有兄者論語云出則事公卿入則事父兄父兄者一家之統父不在則兄為主可知故兼其兄也又案下文若孤子則父兄戒宿冠之日主人紆而迎賓則

無親父親兄故彼注云父親兄諸父諸兄則知此主人迎賓是親父親兄也云玄冠委貌者此云玄冠下記云委貌彼云委貌見其安正容體此云玄冠見其色實一物也云朝服者十五升布衣者雜記云朝服十五升布也云素裳者雖經不言裳裳與韠同色既云素韠故知裳亦積白素絹為之也云衣不言色者衣與冠同也者禮之通例衣與冠同色故郊特牲云黃衣黃冠是也裳與韠同色故下爵弁服纁裳韠韠韠即纁之類是也經直云朝服不言色與冠同可知也若然鄭不言裳與韠同色者舉衣與冠同裳與韠同亦可知故不言也其衣冠色異經即別言之是以下文爵弁服純衣是也云筮必朝服尊著龜之道也者此決正冠時主人服玄端爵韠不服此服乃服朝服是尊著龜之道也若然下文云有司如主人服又宿賓賓如主人服又宿贊冠者及夕為期皆朝服云尊著龜者案鄉飲酒主人朝服則此有司賓主朝服自是尋常相見所服非特相尊敬之禮此

筮而朝服決正冠時與士之祭禮入廟常服玄端今此  
筮亦在廟不服玄端故云尊著龜之道此筮唯有著草  
言龜者案周禮小事徒筮而已若大事先筮而後卜龜  
筮是相將之物同著朝服故兼言龜是以雜記卜筮皆  
朝服也案特牲禮筮日與祭同服玄端少半筮日與祭  
同服朝服不特尊著龜者彼為祭事龜不可尊於先祖  
故同服此為冠事龜可尊於子孫故服異也云縹帶黑  
縹帶者案玉藻云君素帶終禪大夫素帶禪垂士練帶  
率下禪注云大夫禪其紐及末士禪其末而已又云雜  
帶君朱綠大夫玄華士縹禪鄭云君禪帶上以朱下以  
綠終之大夫禪垂外以玄內以華士禪垂之下外內皆  
以縹是謂縹帶鄭彼云是謂者指此文也若然天子諸  
侯帶繞腰及垂者皆禪之大夫則不禪其繞腰者直禪  
垂之三尺屈而垂者士則禪其末繞三尺所垂者不禪  
若然大帶所用物大夫已上用素士練縹為帶體所禪  
者用縹則此言縹據禪者而言也云士帶博二寸再緣

四寸屈垂三尺者此亦玉藻文大夫已上大帶博四寸此士卑降於大夫已上博二寸再繚共為四寸屈垂三尺則大夫已上亦屈垂三尺同矣云素韠白韠韠者素玉藻云韠君朱大夫素士爵韠是韠色不同下云韠者是君大夫同用韠也但彼是玄端服之韠此士用素韠為之故鄭云白韠韠也又云韠長三尺至博二寸亦皆玉藻鄭君彼注云頸五寸亦謂廣也頸中央肩兩角皆上接革帶肩與革帶廣同此韠即黻也祭服謂之黻朝服謂之韠也云天子與其臣玄冕以視朔皮弁以日視朝者此約玉藻而知案彼云天子玄端聽朔於南門之外皮弁以日視朝又云諸侯皮弁以聽朔於大廟朝服以日視朝於內朝彼注云端當為冕謂天子以玄冕聽朔於南門之外明堂之中彼皆不言臣此鄭兼言臣者欲見在朝君臣同服引之者證此玄冠朝服而筮者是諸侯之士則諸侯與其臣與子加冠同服皮弁以筮日天子與其臣

與子加冠同服玄冕以筮日矣知天子服玄冕諸侯服皮弁以筮日者鄭既取君臣同服明筮時還君臣同服若然天子用玄冕諸侯同皮弁其臣不得上同于君君下就臣同朝服也云凡染黑五入為緇七入為緇六入與者案爾雅一染謂之緇再染謂之赭三染謂之纁此三者皆是染赤法周禮鍾氏染鳥羽云三入為纁五入為緇七入為緇此是染黑法故云凡染黑也但爾雅及周禮無四入六入之文禮有朱玄之色故注此玄則六入下經注云朱則四入無正文故皆云與以疑之但論語有緇緇連文緇又在緇上則以纁入赤為朱若以纁入黑則為緇故淮南子云以涅染緇則黑于涅又以緇入黑汁則為緇故緇連言也若然玄為六入緇為七入深淺不同而鄭以衣與冠同以緇與玄同色者大同小異皆是黑色故云同也

有司如生

人服即位于西方東面北上注有司羣吏有事者謂主

人之吏所自辟除府史以下也今時卒吏及假吏皆是

也音義

辟必亦反卒子忽反假古雅反疏釋曰此論主人有司從主人

東面以待事也注釋曰士雖無臣皆有屬吏胥徒及僕隸故云有司羣吏有事者也云謂主人之吏所自辟除府史以下者案周禮三百六十官之下皆有府史胥徒不得君命主人自辟除去役賦補置之是也又案周禮皆云府史此云羣吏吏史亦一也故舉漢法為證又周禮鄭注云官長所自辟除此云主人者以此經云主人故依經而直云主人主亦為長者也又此注以有司為羣吏案特牲以有司為士屬吏不同者言羣吏則為府史胥徒也言屬吏則謂君命之士是以下文宿贊冠者注云謂賓若他官之屬中士若下士也又主人贊者亦云其屬中士若下士是言屬者尊之義特牲云有司士之屬吏亦尊類也特牲有司之上有子姓此文無者彼

祭祀事重故子姓皆來此冠  
事稍輕故容有不至故不言

筮與席所卦者具饌于西

塾注筮所以問吉凶謂著也所卦者所以畫地記爻易

曰六畫而成卦饌陳也具俱也西塾門外西堂也音義

饌劉仕轉反一音士戀反塾音孰劉又音育爾疏釋曰  
雅云門側之堂謂之塾畫音獲下同爻户交反疏下云

布席于門中闢西闕外彼據筮此云西塾據陳處言注  
釋曰筮所以問吉凶謂著也者案曲禮云龜為卜著為

筮故知問吉凶謂著案易筮法用四十九著分之為二  
以象兩掛一以象三揲之以四以象四時歸奇于扚以

象閏十有八變而成卦是也云所卦者所以畫地記爻  
者筮法依七八九六之交而記之但古用木畫地今則

用錢以三少為重錢重錢則九也三多為交錢交錢則  
六也兩多一少為單錢單錢則七也兩少一多為拆錢

拆錢則八也。案少牢云：卦者在左，坐卦以木，故知古者畫卦以木也。云易曰：六畫而成卦，者說卦云：昔者聖人之作易也，將以順性命之理，是以立天之道曰陰與陽，立地之道曰柔與剛，立人之道曰仁與義，兼三才而兩之，故易六畫而成卦。注云：三才，天地人之道。六畫，畫六爻引之者，證畫地識爻之法云。西塾門外西堂也。者案爾雅云：門側之堂，謂之塾。即士虞禮云：羞燔俎在內，西塾上南，順是也。筮在門外，故知此經西塾門外西堂也。

布席于門中，闌西闔外西面。注：闌，門櫨也。闔，閫也。古文

闌為槩，闔為蹙。音義

闌，魚列反。闔，音域。劉況通反。門限，槩其月反。閫，苦本反。劉音困。槩，魚

列反。蹙，釋曰：此所布之席，擬卜筮之事，言在門中者，子六反。疏，以大分言之云。闌，西闔外者，指陳席處也。注釋曰：云闌，門櫨者，闌一名櫨也。云闔，閫也。者，曲禮云：外言不入于閫。閫，門限與闔為一也。云古文闌為槩，闔為

臧者適于暴秦燔滅典籍漢興求錄遺文之後有古文  
今文漢書云魯人高堂生為漢博士傳儀禮十七篇是  
今文也至武帝之末魯恭王壞孔子宅得亡儀禮五十  
六篇其字皆以篆書是為古文也古文十七篇與高堂  
生所傳者同而字多不同其餘三十九篇絕無師說秘  
在于館鄭注禮之時以今古二字竝之若從今文不從  
古文即今文在經闡闕之等于注內疊出古文槩虞之  
屬是也若從古文不從今文則古文在經注內疊出今  
文即下文孝友時格鄭注云今文格為嘏又喪服注今  
文無冠布縵之等是也此注不從古文槩虞者以槩虞  
非門限之義故從今不從古也儀禮之內或從今或從  
古皆逐義彊者從之若二字俱合義者則互換見之即  
下文云壹揖壹讓升注云古文壹皆作一公食大夫三  
牲之肺不離贊者辯取之一以授賓注云古文一為壹  
是大小注皆疊今古文二者俱合義故兩從之又鄭疊  
古今之文者皆釋經義盡乃言之若疊古今之文訖須

別釋餘義者則在後皆言之即下文孝友時格注云今  
文格為嘏又云凡醢不祝之類是也若然下記云章甫  
殷道鄭云章明也殷質言以表明文夫也甫  
或為父今文為斧事相為故因疊出今文也

筮人執筴

抽上贛兼執之進受命於主人注筮人有司主三易者

也贛藏筴之器也今時藏弓矢者謂之贛丸也兼并也

進前也自西方而前受命者當知所筮也音義

筴初革反贛音

獨疏

釋曰此經所陳據筮時之事案少牢云史左執筮  
右抽上贛兼與筮執之東面受命于主人得主人

命訖史曰諾西面于門西抽下贛左執筮右兼執贛以  
擊筮乃立筮此云筴彼云筮一也但筮法不殊此亦應  
不異少牢具陳此不言者文不具當與彼同案三正記  
大夫著五尺故立筮士之著三尺當坐筮與彼異也注

釋曰案周禮春官筮人掌三易一曰連山二曰歸藏三曰周易注云問著曰筮其占易是筮人主三易者也云續藏筮之器者續有二其一從下向上承之其一從上向下韜之也云今時藏弓矢者謂之續丸也者此舉漢法為况亦欲見韜弓矢者以皮為之故詩云象弭魚服是以魚皮為矢服則此續亦用皮也知自西方而前者上云即位于西方故知前向東方受命也云受命者當知所筮也者謂執之不知以請筮何事宰遂命之也凡卜筮之法案洪範云七稽疑擇建立卜筮人三人占從二人之言又案尚書金縢云乃卜三龜一習吉則天子諸侯卜時三龜竝用于玉瓦原三人各占一兆也筮時連山歸藏周易亦三易竝用夏殷以不變為占周易以變者為占亦三人各占一易卜筮皆三占從二三吉者三吉為大吉一凶為小吉三凶為大凶一吉為小凶案士喪禮筮宅卒筮執卦以示命筮者命筮者受視反之東面旅占注云旅厭也反與其屬共占之謂掌連山歸藏

周易者又卜葬日云占者三人在其南注云占者三人掌玉兆瓦兆原兆者也少牢大夫禮亦云三人占鄭既云反與其屬占之則鄭意大夫卜筮同用一龜一易三人共占之矣其用一龜一易則三代類用不專一代故春秋緯演孔圖云孔子修春秋九月而成卜之得陽豫之卦宋均注云陽豫夏殷之卦名故今周易無文是孔子用二代之筮則大夫卜筮皆不常據一代者也

宰自右少退贊命注宰有司

主政教者也自由也贊佐也命告也佐主人告所以筮

也少儀曰贊幣自左詔辭自右音義

少詩疏注釋曰知召反

主政教者士雖無臣以屬吏為宰若諸侯使司徒兼冢宰以出政教之類故云主政教者引少儀者取證贊命在右之義以其地道尊右故贊命在右是以士之喪禮亦云命筮者在主人之右注云命尊者宜由右出特牲

云宰自主人之左贊命不由右者為神求吉變故也士喪在右不在左者以其始死未忍異于生故在右也少牢宰不贊命大夫尊屈士卑不嫌故使人贊命也

筮人許諾右還即席坐西面

卦者在左注即就也東面受命右還北行就席卦者有

司主畫地識爻者也音義

還音旋後皆放此識音志爻户交反

疏

釋曰此言筮人

於主人受命說行筮事也但即席坐西面者主為筮人而言則坐文宜在西面下今退西面于下者欲西而之文下就畫卦者亦西向故也注釋曰鄭知東面受命者以其上文有司在西方東面主人在門東西而今從門西東面主人之宰命之故東面受命可知也知右還北行就席者以其主人在門外之東南席在門中故知右還北行乃得西面就席坐也云卦者有司主畫地識爻者上云所卦者謂木于此云卦者據人以杖畫地記識

爻之七八  
九六者也

卒筮書卦執以示主人注卒已也書卦者筮

人以方寫所得之卦也疏

釋曰此言所筮六爻俱了卦體得成更以方版畫體示主

人之事也注釋曰云書卦者筮人者下文云筮人還東面旅占明此書卦是筮人也不使他人書卦者筮人尊卦亦是尊著龜之道也案特牲云卒筮寫卦筮者執以示主人注云卦者主畫地識爻六爻備乃以方版寫之則彼寫卦亦是卦者故鄭云卦者畫爻者彼為祭禮吉事尚提提故卦者寫卦筮人執卦以示主人主士喪禮注云卦者寫卦示主人經無寫卦之文是卦者自畫示主人以其喪禮遽于事故卦者自畫自示主人也此冠禮筮者自寫自示主人冠主人受眡反之注反還也音義禮異于祭禮喪禮故也

眡音視還音旋

疏

釋曰此筮訖寫所得卦示主人主人受得省視雖未辨吉凶主人尊先受視以

知卦體而已主人既知卦體反還與筮人使人知其占吉凶也

筮人還東面旅占卒進

告吉注旅衆也還與其屬共占之古文旅作臚音義

臚力

居疏

釋曰此言筮人既於主人受得卦體還于門西東面旅共占之是吉卦乃進向門東東面告主人云

吉若不吉則筮遠日如初儀注遠日旬之外疏

釋曰曲禮吉事

先近日此冠禮是吉事故先筮近日不吉乃更筮遠日是上旬不吉乃更筮中旬又不吉乃更筮下旬云如初儀者自筮于廟門已下至告吉是也注釋曰曲禮云旬之內曰近某日旬之外曰遠某日彼據吉禮而言旬之內曰近某日據士禮旬內筮故云近某日是以特牲旬內筮日是也旬之外曰遠某日據大夫以上禮旬外筮故言遠某日是以少牢筮旬有一日是也案少牢云若不吉則及遠日又筮日如初鄭注云及至也遠日後丁

若後已言至遠日又筮日如初明不并筮則前月卜來  
月之上旬上旬不吉至上旬又筮中旬中旬不吉至中  
旬又筮下旬下旬不吉則止不祭祀也若然特牲不言  
及則可上旬之內筮不吉則預筮中旬中旬不吉又預  
筮下旬又不吉則止若此冠禮亦先近日士冠禮亦于  
上旬之內預筮三旬不吉則更筮後月之上旬以其祭  
祀用孟月不容入他月若冠子則年已二十不可止然  
須冠故容入後月也若然大夫已上筮旬外士筮旬內  
此士禮而注云遠日旬之外者此遠日旬之外自是當  
月以上旬之內筮不吉更筮中旬之遠日非謂曲禮文大  
夫以上前月預筮來月上旬為遠  
某日者彼自有遠日與此別也

**徹筮席注**徹去也斂

也音義

去起呂反

**疏**

注釋曰席則徹去之筮則斂藏之故兩訓之也

**宗人告事畢注**

宗人有司主禮者也疏

注釋曰士雖無臣亦有宗人掌禮比于宗伯故云有司主禮者

○主人戒賓賓禮辭許注戒警也告也賓主人之僚友  
古者有吉事則樂與賢者歡成之有凶事則欲與賢者  
哀戚之今將冠子故就告僚友使來禮辭一辭而許也

再辭而許曰固辭三辭曰終辭不許也音義

警居疏釋  
領反

自此以下至賓拜送一節論主人筮日訖三日之前廣  
戒僚友使來觀禮之事也云主人戒賓者謂主人親至  
賓大門外之西東面賓出大門外之東西面戒之云賓  
禮辭許者即下云戒賓曰某有子某將加布于其首願  
吾子之教之也賓對曰某不敢恐不能共事以病吾子  
敢辭主人曰某猶願吾子之終教之也賓對曰吾子重  
有命某敢不從是一度辭後乃許之是賓禮辭許者也  
注釋曰同官為僚同志為友此賓與主人同是官與為

同志故以僚友解之此謂上中下士嘗執摯相見者也若未嘗相見則不必戒故鄭以僚友言之是也云古者有吉事則樂與賢者歡成之者則此經戒賓使來者是也云有凶事則欲與賢者哀戚之者則士喪禮始死命赴者使告君及同僚之等是也云禮辭一辭而許者即此文是也云再辭而許曰固辭者則士相見云某也願見無由達某子以命命某見主人對曰某子命某見吾子有辱請吾子之就家也某將走見賓對曰某不敢為儀固請吾子之就家也某將走見賓對曰某不敢為儀固請主人對曰某也固辭不得命將走見是其再辭而許名為固辭之義也云三辭曰終辭不許也者又士相見云士見于大夫終辭其摯是三辭不許為終辭之義也若一辭不許後辭而許則為禮辭許若再辭不許後三辭而許則為再辭而許之曰固辭若不許至于三辭又不許則為三辭曰終辭不許也又三辭而許則曰三辭若三辭不許

乃曰終辭是以公食大夫戒賓上介出請入告三辭又司儀云諸公相為賓主君郊勞交擯三辭車逆拜辱三揖三辭注云先辭辭其以禮來于外後辭辭升堂皆是三辭而許稱三辭若然此戒賓賓禮辭許不固辭案鄉飲酒主人請賓賓禮辭許注云不固辭者素所有志是賓習道藝本望賓舉是素所有志故不固辭此亦素有志樂與主人歡成冠禮故不固辭諸經云禮辭許者是素有志之類也

### 主人再拜賓答拜

主人退賓拜送注退去也歸也疏

釋曰案鄉飲酒禮主人戒賓賓拜辱主人

答拜乃請賓賓禮辭許主人再拜賓答拜主人退賓拜送鄉射亦然皆與此文不同此經文不具當依彼文為正但此不言拜辱者亦是為賓已故也

### ○前期三日筮賓如求日之儀注

前期三日空二日也筮賓筮其可使冠子者賢者恒吉

冠義曰古者冠禮筮日筮賓所以敬冠事敬冠事所以

重禮重禮所以爲國本疏

釋曰此文下盡宿贊冠者亦如之論筮賓若贊冠者之節

云前期三日者加冠日爲期期前三日也筮賓者謂於僚友衆士之中筮取吉者爲加冠之賓也云如求日之儀者亦于廟門外下至告事畢唯命筮別其餘威儀並同故云如求日之儀也命筮雖無文宰贊蓋云主人某爲適子某加冠筮某爲賓庶幾從之若庶于則改適字爲庶字其餘亦同此經不云命筮并上筮日亦不云命筮者皆文不具也注釋曰云前期三日空二日也者謂正加冠日是期日冠日之前空二日外爲前期三日故云空二日也二日之中雖有宿賓宿贊冠者及夕爲期但非加冠之事故云空也云筮賓筮其可使冠于者即下文三加皆賓親加冠于首者是也云賢者恆吉者解經先戒後筮之意凡取人之法先筮後戒今以此實是

賢者必知吉故先戒賓賓已許方始筮之以其賢恒自吉故先戒後筮之也若賢恒吉必筮之者取其審慎重冠禮之事故鄭引冠義為證也云重禮所以為國本者詩云人而無禮胡不遄死禮運云治國不以禮猶無邦而耕也故云重禮所以為國本也然冠既筮賓特牲少牢不筮賓者彼以祭祀之事主人自為獻主羣臣助祭而已天子諸侯之祭祭前已射于射宮擇取可預祭者故不筮之也 ○乃宿賓賓如主人

服出門左西面再拜主人東面答拜注宿進也宿者必

先戒戒不必宿其不宿者為衆賓或悉來或否主人朝

服音義

為于偽反

疏

釋曰此經謂宿賓賓者傳主人辭入內告賓賓如主人服出門與主人相見之

儀也注釋曰鄭訓宿為進者謂進之使知冠日當來故下文宿曰某將加布于某之首吾子將蒞之敢宿賓對

曰某敢不夙興是宿之使進之義也云宿者必先戒者謂若賓及贊冠同在上戒賓之內已戒之矣今又宿是宿者必先戒也云戒不必宿者即上文戒賓之中除正賓及贊冠者但是僚友欲觀禮者皆戒之使知而已後更不宿是戒不必宿者也云不宿者為衆賓或惡來或否者此決賓與贊冠者戒而又宿不得不衆賓主來觀禮非要須來容有不來者故直戒不宿也云主人朝服者見上文筮日時朝服至此無改服之文則知皆朝服凡有戒無宿者非止于此案鄉飲酒鄉射主人戒賓及公食大夫各以其爵皆是當日之戒理無宿也又大射宰戒百官有事于射者射人戒諸公卿大夫射司士戒士射與贊者前射三日宰夫戒宰及司馬皆有戒而無宿是也射人宿視滌此言宿者謂將射之前於宿預視滌濯非戒宿之意也若然特牲禮云前期二日宿尸前無戒而直有宿者特牲文不具其實亦有戒也又禮記祭統云先期旬有一日官宰宿夫人夫人亦散齊七

日致齊三日注云宿讀為肅肅猶戒也戒輕宿重也蓋彼以夫人尊故不得言戒而變言宿讀為肅者肅亦戒之意彼以宿當戒處非謂祭前三日之宿也大宰云祀五帝則掌百官之誓戒者謂戒百官使之散齊至祭前三日當致齊也凡宿賓之法案特牲云前期三日筮尸乃宿尸厥明夕陳鼎則前期三日宿之也少牢筮日下云宿鄭注云大夫尊儀益多筮日既戒諸官以齊戒矣至前祭一日又戒以進之使知祭日當來又云前宿一日宿戒尸注云先宿尸者重所用為尸者又為將筮吉則乃遂宿尸是前祭二日筮日訖宿尸至前祭一日又宿尸天子諸侯祭前三日宿之使致齊也乃宿賓賓許主人再拜賓答拜主人退賓拜送注乃宿賓者親相見致其辭疏釋曰上據賓出與主人相見此經據主人自致辭故再舉宿賓之文也宿贊冠者一人亦如之

注贊冠者佐賓爲冠事者謂賓若他官之屬中士若下

士也宿之以筮賓之明日疏

注釋曰案下文冠子之時贊者坐櫛設纓卒紘之類

是贊冠者佐賓爲冠事者以其佐賓爲輕故不筮也云謂賓若他官之屬者此所取本由主人之意或取賓之屬或取他官之屬故鄭兩言之案周禮三百六十官每官之下皆有屬官假令上士爲官首其下有中士下士爲之屬若中士爲官首其下有下士爲之屬也云中士若下士也者此據主人是上士而言之贊冠者皆降一等假令主人是上士賓亦是上士則取中士爲之贊假令主人是下士賓亦是下士則亦取下士爲之贊禮窮則同故也云宿之以筮賓之明日者以下有厥明夕爲期是冠前一日宿賓宿贊在厥明之上則去冠前二日矣筮賓是前期三日則知宿賓贊冠者是筮賓之明日可知不在宿賓下而在宿贊冠之下言之者欲取與

厥明相  
近故也

○厥明夕爲期于廟門之外主人立于門東兄

弟在其南少退西面北上有司皆如宿服立于西方東

面北上注厥其也宿服朝服疏

釋曰自此至賓之家論  
冠前一日之夕爲明日

加冠之期告賓之事也云厥明夕爲期者謂宿賓與贊  
冠明日向暮爲加冠之期必於廟門者以冠者在廟知  
亦在廟爲期也主人之類在門東賓之類在門西者各  
依賓主之位夾處東西也注釋曰知宿服朝服者以其  
宿服如筮日之服筮日朝  
服轉相如故知是朝服也擯者請期宰告曰質明行事

注擯者有司佐禮者在主人曰擯在客曰介質正也宰

告曰旦日正明行冠事音義

擯必勿反  
介音界

疏

釋曰上經布  
位已訖故此

經見為期之事言請期者謂請主人加冠之期言告日者即是宰贊命告之也注釋曰上云有司此言擯者故知擯者是有司佐主人行冠禮者也云在主人曰擯在客稱介者案聘禮及大行人皆以在主人曰擯在客稱介亦曰相司儀云每門止一相是也云旦日正明行冠事者案特牲請期曰羹飪鄭注云肉謂之羹飪熟也謂明日質明時而曰肉熟重豫勞賓此無羹飪故云質明少牢云旦明行事故此注取彼而言旦日正明行冠事

也告兄弟及有司注擯者告也疏

注釋曰上文陳兄弟及有司位次此告訖

下乃云告事畢則兄弟及有司亦席門之外矣必告之者禮取審慎之義故也必知擯者告者上擯者請期此即云告明還是告事畢注宗人告也疏

注釋曰知宗人告者亦約上文

筮日時宗人告事得知也

擯者告期于賓之家疏

釋曰有司是家之屬吏者則告期皆

得在位賓是同僚之等為期時不在故就家告之於夕為期當暮即得告之者以其共仕於居其家必在城郭之內相近故得告也○夙興設洗直于東榮南北以堂深水在洗

東注夙早也興起也洗承盥洗者棄水器也士用鐵榮

屋翼也周制自卿大夫以下其室為夏屋水器尊卑皆

用金壘其大小異音義

直音值深申鳩反凡度淺深曰深後放此盥音管夏戶雅反後

同崇力疏

釋曰自此至賓升則東面論將冠子豫陳設冠與服器物之事也注釋曰云洗承盥洗者

棄水器也者謂盥手洗爵之時恐水穢地以洗承盥洗水而棄之故云棄水器云士用鐵者案漢禮器制度洗之所用士用鐵大夫用銅諸侯用白銀天子用黃金也云榮屋翼也者即今之搏風云榮者與屋為榮飾言翼

者與屋為翅翼也云周制自卿大夫以下屋無文故此經是周法  
者言周制也夏殷卿大夫以下屋無文故此經是周法  
即以周制而言也案此經是士禮而云榮卿飲酒卿大  
夫禮卿射喪大記大夫士禮皆云榮又案匠人云夏后  
氏世室堂脩二七廣四脩一五室此謂宗廟路寢同制  
則路寢亦然雖不云兩下為之彼下文云殷人重屋四  
阿鄭云四阿四注屋重屋謂路寢殷之路寢四阿則夏  
之路寢不四阿矣當兩下為之是以檀弓孔子云見若  
覆夏屋者矣鄭注云夏屋今之門廡漢時門廡也兩下  
為之故舉漢法以況夏屋兩下為之或名兩下屋為夏  
屋夏后氏之屋亦為夏屋鄭云卿大夫以下其室為夏  
屋兩下而周之天子諸侯皆四注故喪大記云升自屋  
東榮鄭以為卿大夫士其天子諸侯當言東甍也周天  
子路寢制似明堂五室十二堂上圓下方明四注也諸  
侯亦然故燕禮云洗當東甍鄭云人君為殿屋也云水  
器尊卑皆用金鼎及大小異者此亦案漢禮器制度尊

卑皆用金罍及其大小異此篇與昏禮鄉飲酒鄉射特牲皆直言水不言罍大射唯云罍水不云料少牢云司宮設罍水於洗東有料鄭注云設水用罍沃盥用料禮在此也欲見罍料俱有餘文無者不具之意也儀禮之內設洗與設尊或先或後不同者若先設洗則兼餘事此士冠賓與贊共洗昏禮有夫婦與御媵之等少牢特牲燕舉鼎不專為酒以是皆先設洗鄉飲酒鄉射先設尊者以其專為酒燕禮大射自相對大射辨尊卑故先設尊燕禮不辨尊卑故先設洗又儀禮之內或有尊無洗或尊洗皆有又不言設之者是不具也

陳服

于房中西墉下東領北上注墉牆

疏

釋曰自此至東面論陳設衣服器物

之等以待冠者喪大記與士喪禮服或西領或南領此東領者此嘉禮異於凶禮故士之冠時先用卑服北上也爵弁服纁裳純衣緇帶韎韐注此與君祭之服雜記

曰士弁而祭於公爵弁者冕之次其色赤而微黑如爵頭然或謂之緌其布三十升纁裳淺絳裳凡染絳一入謂之緌再入謂之緌三入謂之纁朱則四入與純衣絲衣也餘衣皆用布唯冕與爵弁服用絲耳先裳後衣者欲令下近緌明衣與帶同色韎韐韁韐也士韁韐而幽衡合韋爲之士染以茅蒐因以名焉今齊人名菑爲韎韐韐之制似韎冠弁者不與衣陳而言於上以冠名服耳今文纁皆作熏音義

纁許云反韎音妹又武拜反韐古洽反又音閤纁七絹反范散

騎音倉亂反染如琰反黻音弗幽於糾反茅忙交反近附近之  
近緇音溫劉烏本反黻音弗幽於糾反茅忙交反近附近之  
畱反蒨疏釋曰此所陳從北而南故先陳爵弁服注釋  
七見反疏曰士禮玄端自祭以爵弁服助君祭故云與  
君祭之服也云爵弁者冕之次者凡冕以木為體長尺  
六寸廣八寸績麻三十升布上以玄下以纁前後有旒  
其爵弁制大同唯無旒又為爵色為異又名冕者俛也  
低前一寸二分故得冕稱其爵弁則前後平故不得冕  
名以其尊卑次於冕故云爵弁冕之次也云其色赤而  
微黑如爵頭然或謂之緇者五入為緇若以纁入黑則  
為緇以緇入黑則為緇是三入赤再入黑故云其色赤  
而微黑也云如爵頭然者以目驗爵頭亦多黑少故以  
爵頭為喻也以緇再入黑汁與爵同故取鍾氏緇色解  
之故鄭注鍾氏云緇今禮俗文作爵言如爵頭色也鄭  
此言赤者對文為赤若將緇比纁則又黑多矣故淮南  
子云以涅染緇則黑於涅况更一入黑為緇乎故巾車

云雀飾鄭注云雀黑多赤少之色是也云其布三十升者取冠倍之義是以喪服衰三升冠六升朝服十五升故冕三十升也云纁裳淺絳裳者絳則一染至三染同云淺絳詩云我朱孔陽毛傳云朱深纁也故從一染至三染皆謂之淺絳也云朱則四入與者爾雅及鍾氏皆無四入之文經有朱色故鄭約之若以纁入黑則為紺若以纁入赤則為朱無正文故云與以疑之也然上注以解玄纁故引鍾氏染黑法此注解纁故引爾雅染赤法也云純衣絲衣也者案鄭解純字或為絲或為色兩解不同者皆望經為注若色理明者以絲解之若絲理明者以色解之此經玄衣與纁裳相對上玄下纁色理自明絲理不明則以絲解之昏禮女次純衣注云絲衣以下文有女從者畢袷玄色理自明則亦絲理不明故亦以絲理解之周禮媒氏云純帛無過五兩注云純實緇字也古緇以才為聲納帛用緇婦人陰也以經云純帛絲理自明故為色解之祭統云蠶於北郊以共純服

絲理自明故鄭亦以色解也論語云麻冕禮也今也純  
儉以純對麻絲理自明故鄭亦以色解之是純有不同  
之事但古緇紂二字並色若據布為色者則為緇字若  
據帛為色者則為紂字但緇布之緇多在本字不誤紂  
帛之紂則多誤為純云餘衣皆用布者此據朝服皮弁  
服玄端服及深衣長衣之等皆以布為之是以雜記云  
朝服十五升布玄端亦朝服之類則皮弁亦是天子朝  
服深衣或名麻衣故知用布也云唯冕與爵弁服用絲  
耳者祭統云王后蠶於北郊以供純服爵弁服是冕服  
之次故知亦用絲也云先裳後衣者欲令下近緇明衣  
與帶同色者衣在上宜與冠相近應先言衣今退衣在  
裳下者若衣與冠同色者先言衣後言裳今爵弁與衣  
異故退純衣於下使與帶同色也云韎韐緇韐也者此  
經云韎韐玉藻云緇韐二者一物故鄭合為一物解之  
也云士緇韐而幽衡者玉藻文言幽衡者同繫於革帶  
故連引之也云合韋為之者鄭即因解明緇韐之事言

韃者韋旁著合謂合韋為之故名韃也云士染以茅蒐因以名焉者案爾雅云茹蘆茅蒐孫氏注一名蒨可以染絳若然則一草有此三名矣但周公時名蒨草為韃草以此韃染韋合之為韃因名韃為韃韃也云韃之制似韃者案上注已釋韃制其韃之制亦如之但有飾無飾為異耳祭服謂之韃其他服謂之韃易困卦九二困於酒食朱韃方來利用享祀是祭服之韃也又案明堂位云有虞氏服韃夏后氏山殷火周龍章鄭云後王彌飾天子備焉諸侯火而下卿大夫山士韃韋而已是士無飾則不得單名韃一名韃韃一名縕韃而已是韃有與韃異以制同飾異故鄭云韃之制似韃也但染韋為韃之體天子與其臣及諸侯與其臣有異詩云朱芾斯黃鄭云天子純朱諸侯黃朱詩又云赤芾在股是諸侯用黃朱玉藻再命三命皆云赤韃是諸侯之臣亦用赤韃易困卦九二云用於酒食朱韃方來利用享祀鄭注云二據初辰在未未為土此二為大夫有地之象未上

值天廚酒食象困於酒食者采地薄不足已用也二與  
日為體離為鎮霍父四為諸侯有明德受命當王者離  
為火火色赤四爻辰在午時離氣赤又朱是也文王將  
王天子制用朱韍故易乾鑿度云孔子曰天子三公諸  
侯同色因卦困于酒食朱韍方來又云天子三公大夫  
皆朱韍諸侯亦同色者其染之法同以淺絳為名是天  
子與其臣純朱諸侯與其臣黃朱為異也云冠弁不與  
衣陳而言於上以冠名服耳者案此文上下陳服則於  
房緇布冠皮爵弁在堂下是冠弁不與服同陳今以弁  
在服上竝言之者以冠弁表明其服耳不謂同陳之也  
云今文繅皆作熏者繅是色當從絲旁  
為之故疊今文不從熏從經文古繅也

**皮弁服素積緇**

**帶素釋注**此與君視朔之服也皮弁者以白鹿皮為冠

象上古也積猶辟也以素為裳辟蹙其要中皮弁之衣

用布亦十五升其色象焉音義

辟必亦反下疏釋曰此同要一遙反皮弁服

卑於爵弁故陳之次在爵弁之南上爵弁服下玄端服皆言衣此獨不言衣者以其上爵弁服與爵弁異故言衣下玄端服但冠時用緇布冠不用玄冠既不言冠故言衣也今此皮弁之服用白布衣與冠同色故不言衣也注釋曰紫玉藻云諸侯皮弁聽朔於大廟又紫鄉黨說孔子之服云素衣麕裘鄭云視朔之服視朔之時居臣同服也云皮升者以白鹿皮為冠象上古也者謂三皇時以白鹿皮冒覆頭鉤領繞項至黃帝則有冕故世本云黃帝作冕旒禮運云先王未有宮室又云食草木之實鳥獸之肉未有麻絲衣其羽皮鄭云此上古之時則此象上古謂象三皇時以五帝為太古以三皇為上古也若然黃帝雖有絲麻布帛皮弁至三王不變是以下記云三王共皮弁鄭注云質不變鄭注郊特牲云所不易於先代故孝經緯云百王同之不改易也案禮圖

仍以白鹿皮為冠故云以白鹿皮為冠象上古也云積  
猶辟也以素為裳辟蠹其要中者經典云素者有三義  
若以衣裳言素者謂白緇也即此文之等是也畫績言  
素者謂白色即論語云繪事後素之等是也器物無飾  
亦曰素則櫛弓云奠以素器之等是也是以鄭云以素  
為裳辟蠹其要中也知皮弁之衣亦用十五升布者雜  
記云朝服十五升此皮弁亦天子之朝服故亦十五升  
布也然喪服注云祭服朝服辟積無數則祭服皮弁皆  
辟積無數餘不云者舉皮弁可知不並言也唯喪服裳  
幅三衽有數耳云其色象馬者謂象皮弁之色用白布  
也以此言之論語注云素用  
繪者彼上服褐衣用素也

玄端玄裳黃裳雜裳可也

緇帶爵韠注此莫夕於朝之服玄端即朝服之衣易其

裳耳上士玄裳中士黃裳下士雜裳雜裳者前玄後黃

易曰夫玄黃者天地之雜也天玄而地黃士皆爵韋爲  
韠其爵同不以玄冠名服者是爲緇布冠陳之玉藻曰

韠君朱大夫素士爵韋

音義

莫音暮朝直遙反  
夫玄之夫音扶

疏

釋曰此玄

端服服之下故後陳於皮弁之南陳三等裳者凡諸侯  
之下皆有二十七士公侯伯之士一命子男之士不命  
不問一命不命皆分爲三等故服分爲三等之裳以常  
之上下經三等之服同用緇帶者以其士唯一緇襌  
之帶故三服共用之大帶所以束衣革帶所以佩韠及  
佩玉之等不言革者舉韠有革帶可知故略不言耳三  
裳之下云可也者欲見三等之士各有所常常者即服  
之故言可以許之也注釋曰云此莫夕於朝之服者當  
是莫夕於君之朝服也案玉藻云君朝服以日視朝于  
內朝夕深衣祭牢肉是君朝服朝服夕服深衣矣下又

云朝玄端夕深衣朝時不朝服與君不同故鄭注云謂大夫士也則彼朝玄端夕深衣是大夫士家私朝也若然大夫士既服玄端深衣以聽私朝矣此服注云莫夕於朝之服是士向莫之時夕君之服必以莫為夕者朝禮備夕禮簡故以夕言之也若卿大夫莫夕於君當亦朝服矣案春秋左氏傳成十二年晉卻至謂子反曰百官承事朝而不夕此云莫夕者無事亦無夕法若夕有事須見君則夕故昭十二年子革云夕襄十四年子我亦云夕者皆是有事見君非常朝夕之事也云玄端即朝服之衣易其裳耳者上云玄冠朝服緇帶素鞶此玄端亦緇帶彼云朝服即此玄端也但朝服亦得名端故論語云端章甫鄭云端諸侯視朝之服耳皆以十五升布為緇色正幅為之同名也云易其裳耳者彼朝服素鞶鞶同裳色則裳亦素此既易其裳以三等裳同爵鞶則亦易之矣不言者朝服言素鞶不言裳故須言易彼言素鞶此云爵鞶於文自明故不須言易也云上士玄

裳中士黃裳下士雜裳者此無正文直以諸侯之士皆有  
三等之裳故還以三等之士配之但玄是天色黃是地  
色天尊而地卑故上士服玄中士服黃下士常雜裳  
雜裳者還用此玄黃但前陽後陰故知前玄後黃也云  
易曰者是文言文引之者證此裳等是天地二色為之  
云士皆爵韋為韠其爵同者三裳同云爵韠故知三等  
之士同用爵韋為韠也其爵韋者所引玉藻文是也云  
不以玄冠名服者是為緇布冠陳之者今不以玄冠表  
此服者此為冠時緇布冠陳之冠既不用玄冠故不言  
也云玉藻者案彼注云此玄端服之韠也云韠者與下  
君大夫士為總目韋者又總三者用韋為之言君朱大  
夫素士爵者韠之韋色也云君朱者見五等諸侯則天  
子亦朱矣韠同裳色則天子諸侯朱裳士言爵則此經  
爵韠亦一也以其裳有三等爵亦雜色故同爵韠若然  
大夫素裳則與朝服緇布冠缺項青組纓屬于缺緇纓  
不異者禮窮則同也

廣終幅長六尺皮弁筭爵弁筭緇組紃纁邊同篋注缺  
讀如有頰者弁之頰緇布冠無弁者著頰圍髮際結項  
中隅為四綴以固冠也項中有紃亦由固頰為之耳今  
未冠筭者著卷幘頰象之所生也滕薛名國為頰屬猶  
著纁今之幘梁也終充也纁一幅長六尺足以韜髮而  
結之矣筭今之簪有筭者屈組為紃垂為飾無筭者纁  
而結其條纁邊組側赤也同篋謂此以上凡六物隨方

曰篋音義

缺依注音頰去藥反又音跬劉屈緇反下皆同項下講反組音祖屬章玉反注同纁山賈

反舊山綺反筭音難絃音宏縹從下而上者篋苦協反  
著頰之著陟略反下著卷同綴丁衛反緼劉紀屈反卷  
去圓反蘭古內反猶著之著直略反韜一本作爻疏注  
土刀反簪側金反上時掌反隨他果反狹而長疏釋  
曰云缺讀如有頰者弁之頰者讀從頰弁詩義服在首  
頰者弁貌之意也云緼布冠無筭者案經皮弁爵弁言  
筭緼布冠不言筭故云無筭也云著頰圍髮際者無正  
文約漢時卷幘亦圍髮際故知也云結頰者此亦無正  
文以經云頰明于項上結之也云隅為四綴以固冠也  
者此亦無正文以義言之既武以下別有頰項明于首  
四隅為綴上綴于武然後頰項得安穩也云項中有緼  
亦由固頰為之耳者此亦無正文以義言之頰之兩頭  
皆為緼別以繩穿緼中結之然後頰得牢固故云亦由  
固頰為之也云今之未冠筭者著卷幘頰象之所生者  
此舉漢法以況義耳漢時男女未冠筭者首著卷幘卷  
幘之狀雖不可知既言頰圍髮際故以冠之明漢時卷

幘亦以布帛之等圍繞髮際為之矣云頰象之所生者  
漢時卷幘是頰之遺象所生至漢時故云頰象之所生  
也云滕薛名齒為頰者此亦舉漢時事以況之漢時滕  
薛二國云齒齒卷幘之類亦遺象故為況也云纚今之  
幘梁者亦舉漢法為況耳幘梁之狀鄭目驗而知至今  
久遠亦未審也云纚一幅長六尺足以韜髮而結之矣  
者人髮之長者不過六尺纚六尺故云足以韜髮既云  
韜髮乃云結之則韜訖乃為紒矣云有笄者即經云皮  
弁及爵弁皆云笄者是有笄也云屈組為紒者經緇組  
紒纁邊是為有笄者而設言屈組謂以一條組於左笄  
上繫定遠頤下右相向上仰屬於笄屈繫之有餘因垂  
為飾也云無笄者纁而結其條者無笄即經緇布冠是  
也則以二條組兩相屬於頰故經云組纁屬於頰也既  
屬訖則所垂條于頤下結之故云纁而結其條也云纁  
邊組側赤也者纁是三人之赤色又云邊則于邊側赤  
也若然以緇為中以纁為邊側而織之也云同篋謂此

上凡六物者緇布至屬于頌共為一物纓長六尺二物皮弁筭三物爵弁筭四物其緇組紃纁纁邊皮弁爵弁各有一為二物通前四為六物云隋方曰籩者爾雅無文此對筭方而不墮也墮謂狹而長也案周禮弁師云掌五冕而云玉弁朱紃則天子以玉為弁以朱為紃又案祭義云天子冕而朱紃諸侯冕而青紃諸侯之弁亦常用玉矣又案弁師韋弁與皮弁同科皮弁有筭則二者亦有筭矣又為筭者屬纓不見有紃則六冕無紃矣然士緇布冠無紃故下記云孔子曰其紃也吾未之聞也若諸侯亦以緇布冠為始冠之冠則有紃故玉藻云緇布冠纁紃諸侯之冠也鄭注云尊者飾其大夫紃案禮器云管仲鏤蓋朱紃鄭注云大夫士當緇組紃纁纁邊是也其筭亦櫛實于簞注簞筭也音義柳莊乙反簞音丹當用象耳櫛實于簞注簞筭也音義柳莊乙反簞音丹林先疏注釋曰鄭注曲禮圓曰簞方曰筭與簞方圓有字反異而云簞筭共為一物者鄭舉其類注論語亦

然蒲筵二在南注筵席也疏

釋曰筵二者一為冠子即下云筵于東序少北是也

一為醴子即下云筵于戶西南而是也云在南者最在南頭對下文側尊一甌醴在服北也注釋曰鄭注云筵

席也者鄭注周禮司几筵云敷陳曰筵藉之曰席然其散言之筵席通矣前敷在地者皆言筵藉取相承之義

是以諸席在地者多言筵也側尊一甌醴在服北有筐實勺觶角枲

脯醢南上注側猶特也無偶曰側置酒曰尊側者無玄

酒服北者纁裳北也筐竹器如筴者勺尊升所以甌酒

也爵三升曰觶枲狀如匕以角爲之者欲滑也南上者

篚次尊籩豆次筐古文甌作廡音義

甌亡甫反又音武篚方尾反勺上若

反解之豉反字林音至柶音四匕也醢音海琴疏注釋曰云  
力丁反一音冷斟九于反又音俱挹也廡音武疏曰云  
側猶特也無偶曰側置酒曰尊側者無玄酒者凡禮之  
通例稱側有二一者無偶特一為側則此文側是也又  
昏禮云側尊甒醴于房中亦是無玄酒曰側至於昏禮  
合升側載聘禮云側襲士虞禮云側尊此皆是無偶為  
側之類也一者聘禮云側受几者側是旁側之義也云  
服北者纁裳北也者此上先陳爵弁服之時纁裳最在  
北向南陳之此云服北明在纁裳北可知也云篚竹器  
如簋其字皆竹下為之故以竹器言之如簋者亦舉漢  
法為况也云勺尊升所以斟酒也者案少牢云罍水有  
料與此勺為一物故云尊升對彼是罍料所以斟水則  
此為尊料斟酒者也云爵三升曰解者案韓詩外傳云  
一升曰爵二升曰觶三升曰解四升曰角五升曰散相  
對爵解有異散文則通皆曰爵故鄭以爵名解也云柶  
狀如匕以角為之者欲滑也者對士喪禮用木柶者喪

禮反吉也云南上者簠次尊籩豆次簠知然者以經云尊在服北南上則是從南北向陳之以尊為貴次云籩後云籩豆故知次第然也云古文觶作廡者爵弁皮弁此觶為酒器廡是廈屋兩下故不從古文也

緇布冠各一匱執以待于西坫南南面東上賓升則東

面注爵弁者制如冕黑色但無纁耳周禮王之皮弁會

五采玉璫象邸玉笄諸侯及孤卿大夫之冕皮弁各以

其等為之則士之皮弁又無玉象邸飾緇布冠今小吏

冠其遺象也匱竹器名今之冠箱也執之者有司也坫

在堂角古文匱為簠坫為檐音義

匱素管反本或作簠坫丁念反纁音早璫

音其郎丁禮反纂素管疏釋曰此一節論使有司三人反劉音纂禮以占反各執其一豫在階以待冠事

賓未入南面以向賓在堂亦以向賓言升則東面據終言之也注釋曰云爵弁者制如冕而黑色但無纁耳者已於上解說今復言之者上文直舉冠以表服其冠實不陳故略言其冠至此專為冠言之足以注并引皮弁以下之事案弁師言冕有五采纁玉皮弁有五采玉璫象邸玉笄下云諸侯及孤卿大夫之冕韋弁皮弁弁經各以其等為之鄭注云各以其等纁紵玉璫如其命數也但上文已言上公之法故此諸侯唯據侯伯子男是以鄭云冕則侯伯纁七就用玉九十八子男纁五就用玉五十纁玉皆三采孤纁四就用玉三十二三命之卿纁三就用玉十八再命之大夫纁再就用玉八藻玉皆朱綠韋弁皮弁則侯伯璫飾七子男璫飾五玉亦三采孤則璫飾四三命之卿璫飾三再命之大夫璫飾二玉亦二采弁經之弁其辟積如冕纁之就然庶人弔者素

委貌一命之大夫冕而無旂士變冕為爵弁其韋弁皮弁之會無結飾弁經之弁不辟積彼經文具言之今此注略引以證士皮弁無玉以象為飾之意不取於韋弁弁經乃依命數之事故不具引之云緇布冠今小史冠其遺象也者但緇布冠士為初加之冠冠訖則弊之不用庶人則常著之故詩云臺笠緇撮是庶人以布冠常服者以漢之小史亦常服之故舉為况云匱竹器名今之冠箱也者此亦舉漢法為况云執之者有司也者則上云有司如主人服有司不主一事故知此亦有司也云站在堂角者但站有二文有一者謂若明堂位云崇站亢圭及論語云兩君之好有反站之等在廟中有之以亢圭反爵之屬此篇之內言站者皆據堂上角為名故云堂角云古文匱為纂站作○主人玄端爵韠立于襜者皆從經今文故壘古文也

阼階下直東序西面注玄端士入廟之服也阼猶酢也

東階所以答酢賓客也堂東西牆謂之序音義

酢才故反

各疏

釋曰上文已陳衣冠器物自此以下至外門外論賓主兄弟等著服及位處也云玄端爵韠者主人

之服與上所陳子加冠玄端服亦一也云立于阼階下者時欲與賓行禮之事也云直東序者直當也謂當堂

上東序牆也注釋曰案特牲士禮祭服用玄端此亦士之加冠在廟故與祭同服故云士入廟之服也云東西

牆謂之序者爾雅釋宮文

兄弟畢袵玄立于洗東西面北上注兄弟

主人親戚也畢猶盡也袵同也玄者玄衣玄裳也緇帶

韠位在洗東退於主人不爵韠者降於主人也古文袵

爲均也音義

袵之乃反劉之疏釋曰此論兄弟來觀禮慎反一音真同

疏

釋曰此論兄弟來觀禮之服也注釋曰云兄弟

主人親戚也者既云兄弟故是主人親戚云衿同也玄者玄衣玄裳也緇帶釋者以其同玄故知上下皆玄云緇帶釋者緇亦玄之類因士有緇帶故釋亦言緇實亦玄也云位在洗東退於主人者主人當序南西面洗常東榮兄弟又在洗東故云退於主人也云不爵釋者降於主人也者釋弁同色主人尊故也兄弟用緇帶不用爵釋兄弟卑故云降於主人也

**擯者玄端負東塾注東塾門內東堂負**

**之北面疏**

釋曰擯者不言如主人服別言玄端則與主人不同可知主人與兄弟不同故特言玄端

與下贊者玄端從之同言玄則此擯者是主人之屬中士若下士也故直舉玄端不言裳也注釋曰知是擯者是主人擯相事在門內故知在將冠者采衣紵在房中門內東堂負之北而向主人也

**南面注采衣未冠者所服玉藻曰童子之飾也緇布衣**

錦緣錦紳并紐錦束髮皆朱錦也紒結髮古文紒為結

音義

紒音計後同緣以

疏

釋曰將冠者即童子二十之

冠者也注釋曰云緇布衣錦緣者以其童子不帛襦袴不衣裘裳故云緇布衣以錦為緇布衣之緣也云錦紳者以錦為大帶也云并紐者亦以錦為紐紳之垂也云錦束髮者以錦為總云皆朱錦也者童子之錦皆朱錦也云紒結髮者則詩曰總角也

○賓如主人服贊者

玄端從之立于外門之外注外門大門外疏

釋曰云賓如主人服

者以其賓與主人尊卑同故得如之贊者皆降主人一等其衣冠雖同其裳則異故不得如主人服故別玄端也若然此冠兄弟及賓贊皆得玄端特牲主人與尸祝佐食玄端自餘皆朝服者彼助祭在廟緣孝子之心欲

得尊嘉賓以事其祖  
禩者告注告者出請入告疏

注釋曰出

請入告者主人迎出門左西面再拜賓答拜注左東也

出以東為左入以東為右疏

注釋曰出以東為左入以東為右據主人在東賓在

西出則以西為右主人揖贊者與賓揖先入注贊者賤

揖之而已又與賓揖先入道之贊者隨賓音義

道音尊

疏

注釋曰云贊者賤揖之而已者正謂贊者降于主人與賓一等為賤也云又與賓揖者對前為賓拜訖今又揖者為主入將先入故又與賓揖乃入也云贊者隨賓後不見更與贊者為禮故知隨賓入也

每曲揖

注周左宗廟入外門將東曲揖直廟將北曲又揖疏

注釋

曰周左宗廟者祭義與小宗伯俱有此文對殷右宗廟也言此皆欲見入大門東向入廟云入外門將東曲揖者主人在南賓在北俱向東是一曲故一揖也至廟南主人在東北面賓在西北面是二曲為二揖故云直廟將北曲又揖也通下

至于廟門揖入三揖至于階三讓注

將入廟又揖三也

入門將右曲揖將北曲揖當碑揖音義

碑彼疏注釋曰宜反經直云

入門揖鄭知此為三揖者以上云每曲揖據入門東行時此入廟門三揖是據主人將右欲背客宜揖將北曲與客相見又揖云當碑揖者碑是庭中之大節又宜揖是知三揖據此而言也案昏禮注入三揖者至內需將曲揖既曲北而揖當碑揖及聘禮鄉飲酒入三揖注雖不同皆據此三節為三揖義不異也

主人升

立于序端西面賓西序東面注主人賓俱升立相鄉音

義

鄉許亮反又作嚮

疏

注釋曰此文主人與賓立相鄉位定將行冠禮者也主人升堂不拜至者冠子

非為賓客故異於鄉飲酒之等也

○贊者盥于洗西升立于房中西面

南上注盥於洗西由賓階升也立于房中近其事也南

上尊於主人之贊者古文盥皆作浣音義

近附近之近浣戶管反

疏

注釋曰此贊者賓之贊冠者不在堂升即位于房中與主人贊者竝立者以其與主人贊者俱是執勞役

之事故先入房竝立待事故鄭云近事也云盥於洗西由賓階升也者贊者盥於洗西無正文案鄉飲酒主人在洗北南面賓在洗南北面如此相鄉又主人從內賓從外來之便贊者亦從之又卑不可與賓竝故在洗西東面及向賓階便知在洗西也云由賓階升者以與主人贊者在房竝立恐作阼階故明其同於賓客也云南

上尊於主人之贊者以其賓主贊者俱降一等兩贊尊卑同而云尊者直以主人尊敬賓之贊故云尊於主人之贊又知與主人贊並立者以贊冠一人而已而云南上明與主人贊為序也

**主人之贊者筵**

**于東序少北西面注**主人之贊者其屬中士若下士筵

**布席也東序主人位也適子冠於阼少北辟主人音義**

**適丁歷反**疏注釋曰云主人之贊者其屬中士若下士辟音避者以主人上士為正故云其屬中士若主

人是中士贊是其屬下士為之賓與贊冠者同云筵布席也者謂布冠者席也云東序主人位也者引冠義云適子冠於阼**將冠者出房南面注**南面立於房外之西

為證是也

**待賓命疏**

注釋曰知在房外之西不在東者以房外之東南當阼階是知房外者皆在房外之西故

昏禮女出於母左母在房外之西故得出時在母左贊也云待賓命者以其下文有賓揖將冠則賓有命也

者奠纚笄櫛于筵南端注贊者賓之贊冠者也奠停也

古文櫛爲節疏

釋曰前頰項已下六物同一篋陳於房今將用之故贊冠者取置于將冠之席

南擬用若然六者俱用不言纚紘等三物大略其實皆有可知不言櫛盛于篋今亦并篋將來置於席南端也服不將來置於席南者皆加冠訖適房中隱處加服訖乃見容體也注釋曰知贊者是其賓之贊冠者也者以其贊冠者主爲冠事而來故知取笄纚是賓之贊冠者若非賓之贊者則云主人以別之故上云主人之贊者也

是賓揖將冠者將冠者即筵坐贊者坐櫛設纚注即就

設施疏

釋曰此二者勞役之事故贊者爲之也

賓降主人降賓辭主人對

注主人降為賓將盥不敢安位也辭對之辭未聞音義

為于疏注釋曰云辭對之辭未聞者上筮賓宿賓之時偽反雖不言其辭下皆陳其辭此賓主之辭不陳不

言故云未聞也賓盥卒壹揖壹讓升主人升復初位注揖讓皆

壹者降於初古文壹皆作一疏釋曰云主人升復初位者謂初升序端也注釋

曰一壹得通用雖賓筵前坐正纚興降西階一等執冠

者升一等東面授賓注正纚者將加冠宜親之興起也

降下也下一等升一等則中等相授冠緇布冠也疏注釋

曰云正纚者將加冠宜親之者以其贊者前已設纚訖今賓復出正之者雖舊設已正以親加冠故纚亦宜親

之也云下一等升一等則中等相授者案匠人天子之堂九尺賈馬以為傍九等為階則諸侯堂宜七尺則七等階大夫堂宜五尺則五等階士宜三尺則三等階故鄭以中等解之也知冠是緇布冠者以下文有皮弁爵弁故知此是

賓右手執項左手執前進容乃祝坐如初

緇布冠也

乃冠興復位贊者卒注進容者行翔而前鴈馬至則立

祝坐如初坐筵前興起也復位西序東面卒謂設缺項

結纓也音義

祝之又反一音之六反注皆同鴈七良反

疏注釋曰知進容者行翔而前鴈馬者

曲禮云堂上不趨室中不翔則堂上固得翔矣又云大夫清濟士踰踰注云皆行容止之貌此進容是士故知進容謂行翔而前踰馬云至則立祝者以經祝下乃云坐如初故祝時立可知云坐如初坐筵前者上正纓時

筵前坐是初坐也云卒謂設缺項結纓也者下文皮弁  
贊者卒紘此謂緇布冠無筭紘直項項青組纓屬於頰  
故卒者終頰項與結纓也若然經云右手執項謂冠後  
為項非頰項其下皮弁爵弁無頰項皆云執項故知非  
頰項也冠者興賓揖之適房服玄端爵韠出房南面注復

出房南面者一加禮成觀衆以容體音義

復扶又反疏注釋

復者對前出房故云復前出為待賓命此出為觀衆以  
容體也案郊特牲論加冠之事云加有成也故此鄭云  
一加禮成也云觀衆以容體者以其既去緇布衣錦緣  
童子服著此玄端成人之服使衆觀知故云觀衆以容  
也賓揖之即筵坐櫛設筭賓盥正纓如初降二等受皮

弁右執項左執前進祝加之如初復位贊者卒紘注如

初爲不見者言也卒紘謂繫屬之音義

見賢適反屬音燭

疏

釋曰

此當第二加皮弁之節云即筵坐柳者坐訖當脫縹布冠乃更櫛也云設筭者凡諸設筭有二種一是紒內安髮之筭一是皮弁爵弁及六冕固冠之筭今此櫛訖未加冠即言設筭者宜是紒內安髮之筭也若安髮之筭則縹布冠亦宜有之前櫛訖不言設筭者以其固冠之筭縹布冠無筭而皮弁爵弁有筭上文已陳訖今若縹布冠亦言設筭即與皮弁爵弁相亂故縹布冠不言設筭其實亦有也若然縹布冠不言設筭而言設纁皮弁冠言設筭不言設纁互見為義明皆有也其於固冠之筭則於賓加弁之時自設之可知注釋曰云如初為不見者言也者上加縹布冠時有賓降主人降賓辭主人對賓盥卒一揖一讓升主人升復初位賓筵前坐之等相次此皆不見故設經省文如之而已故云為不見者言也云卒紘謂繫屬之者即上注云有筭者屈組以為

紘伸屬之左相繫定右相屈  
繫擬解時易為繫屬之也

興賓揖之適房服素積素

韞容出房南面注容者再加彌成其儀益繁疏

釋曰興謂冠者

加皮弁訖起而賓揖之也云適房服素積素韞者上陳服皮弁云繼帶素韞此不言繼帶者上惟有一帶不言可知故不言也注釋曰此對上加繼布冠時直言出房南面不言容此則言容以再加彌成其儀益繁故言容其實彼出亦是容故鄭賓降三等受爵弁加之服纁裳注云觀衆以容體也

韞韞其他如加皮弁之儀注降三等下至地他謂卒紘

容出疏

注釋曰云降三等下至地者據士而言云他謂卒紘容出者以其自餘皆繼布冠見訖皮弁如

之而已至卒紘容出唯皮弁有之故知他謂此二者也

徹皮弁冠櫛筵入于房注

徹者贊冠者主人之贊者為之疏

釋曰冠即緇布冠也。不言緇布冠者可知。

故也。皮弁具言者以有爵弁之嫌。然不言爵弁者著之以受醴至見母兄弟姑姊訖乃易服故也。注釋曰云徹者贊冠者主人之贊者為之者以其贊冠者莫擲主人之贊者設筵故知還遣之也。○筵于戶西

南面注筵主人之贊者戶西室戶西疏

注釋曰知主人之贊者設筵者

以上文筵于東序已。遣主人之贊故知此亦主人之贊者也。云戶西室戶西者以下記醴于客位在戶西醴醴同處故知。贊者洗于房中側酌醴加柶覆之。面葉注洗戶西也。

盥而洗爵者昏禮曰房中之洗在北堂直室東隅篚在洗東北面盥側酌者言無為之薦者面前也。葉柶大端

贊酌者賓尊不入房古文葉為搗疏

注釋曰云洗盥而洗爵者凡洗爵者

必先盥盥有不洗爵者此經直云洗明盥手乃洗爵故鄭云盥而洗爵引昏禮房中之洗至北面盥者證房中有洗之事然前設洗于庭者不為醴以房中有洗醴尊也云側酌者言無為之薦者謂無人為之薦脯醢還是此贊者故下直言薦脯醢不言別有他人明還是贊者也昏禮贊醢婦是贊者自酌自薦經雖不言側酌側自明也云葉柶大端者謂扱醴之面柶細故以為柶大端此與昏禮賓皆云面葉者此以賓尊不入戶贊者面葉授賓賓得面枋授冠者冠者得之而葉以扱醴而祭昏禮禮賓亦主人尊不入房贊者而葉以授主人主人面枋以授賓賓得而葉以扱祭至於聘禮禮賓宰夫實解以醴加柶于解面枋授公者凡醴皆設柶聘禮宰夫不評授公側受醴則還賓揖冠者就筵筵西南面賓受面枋以授賓故面枋也

醴于戶東加柶面枋筵前北面注戶東室戶東今文枋

為柄音義

枋音柄 枋音柄 疏注釋曰知室戶東者以其祀者筵彼命反 室戶西賓自至房戶取醴酌醴者

出向西冠者筵西拜受觶賓東面答拜注筵西拜南面

拜也賓還答拜於西序之位東面者明成人與為禮異

於答主人疏

注釋曰云筵西拜南面拜也者上云冠者筵西南而知以觶拜還南面也知賓東面

在西序者以上文與主人相對本位於西序也云東面者明成人與為禮異於答主人者案鄉飲酒鄉射賓於西階北面答主人拜今此以西序東而拜故云異於答主人又昏禮禮賓聘禮禮賓皆云拜送此云答拜不云拜送者彼醴是主人之物故云薦脯醢注贊冠者也音

拜送此醴非賓物故云答拜也

義

薦本又作薦子見反或作薦非也

疏

注釋曰上文云薦依字直貫反解薦獸名後放此

冠者明此薦亦是贊冠者也

冠者即筵坐左執觶右祭脯醢以柶祭

醴三興筵末坐啐醴提柶興降筵坐奠觶拜執觶興賓

答拜注捷柶扱柶於醴中其拜皆如初古文啐為呼音

義

啐七內反捷初洽反本又作插亦作扱

疏

釋曰云祭醴三興者三祭者一如昏禮始扱一祭又扱再

祭也云筵末坐啐醴提柶興降筵此啐醴不拜既爵者以其不卒爵故不拜也

○冠者奠觶于

薦東降筵北面坐取脯降自西階適東壁北面見于母

注薦東薦左凡奠爵將舉者於右不舉者於左適東壁

者出闈門也時母在闈門之外婦人入廟由闈門音義

見賢遍反下及注八見如見見于君贊見與疏注釋曰見姑見母同闈音韋劉音暉宮中小門也云薦東

薦左者據南面為正故云薦左也云凡奠爵將舉者於右者謂若鄉飲酒鄉射是也此文及昏禮贊醴婦是不

舉者皆奠之於左也云適東辟者出闈門也者宮中之門曰闈門母既冠子無事故不在門外今子須見母故

知出闈門也云婦人入廟由闈門者雜記云夫人奔喪入自闈門升自側階鄭注云宮中之門曰闈門為相通

者也母拜受子拜送母又拜注婦人於丈夫雖其子猶是也

俠拜音義俠古洽反疏注釋曰鄭云婦人於丈夫雖其子猶俠拜者欲見禮子之體例但是婦人

於丈夫皆使俠拜故舉子以見義也○賓降直西序東面主人降復初位

注初位初至階讓升之位疏

釋曰此將欲與冠者造字而迎之位也注釋曰云初

位初至階讓升之位者謂初迎賓至階讓升之位其賓直西序則非初讓升之位主人直東序西者欲近其事

言故也冠者立于西階東南面賓字之冠者對注對應

也其辭未聞音義

應應對之應

疏

釋曰云賓字之者即下文有字辭又有某甫之字若

孔子云尼父之字是也注釋曰云其辭未聞者下有賓祝辭不見冠者應辭故云未聞也案禮記冠義云既冠

而字之成人之道也見於母母拜之據彼則字訖乃見母此文先見母乃字者此先見母是正禮彼見母在下

者記人以下有兄弟之等皆拜之故退見母於下使與兄弟拜文相近也若然未字先見母字訖乃見兄弟之

等急於母緩於兄弟也

○賓出主人送于廟門外注不出外門將

醴之疏

注釋曰以下云請醴賓故云將醴之也

請醴賓賓禮辭許賓就次

注此醴當作禮次門外更衣處也以帷幕簾席為之音

義

武昌慮反

疏

注釋曰云此醴當作禮者對上文有酌醴受醴之等不破之此當為上於下之

禮不得用醴禮即從醴字何者周禮云天子禮諸侯用鬯不云鬯賓明不得以醴禮賓即為醴故破從禮也云次門外更衣處也者次者舍之名以其行禮衣服或與常服不同更衣之時須入於次故云更衣處也云必帷幕簾席為之者案聘禮記云宗人授次次以帷少退于君之次注云主國之門外諸侯及卿大夫之所使者次位皆有常處又案周禮幕人掌帷幕幪常綬之事注云帷幕皆以布為之四合象宮室曰幪云簾席者士卑或用簾席是以雜記諸侯大夫喪皆用布士用簾席為之次亦當然

○冠者見於兄弟兄

弟再拜冠者答拜見贊者西面拜亦如之注見贊者西

面拜則見兄弟東面拜贊者後賓出音義

後戶反疏注釋曰兄

弟位在東方此贊冠者則賓之類故贊者東面也言贊者先拜冠者答之也知贊者後賓出者文於見兄弟下始見之明贊者後賓出也

入見姑姊如見母注入入寢

出亦當就次待禮之也

門也廟在寢門外如見母者亦北面姑與姊亦俠拜也

不見妹妹卑疏

注釋曰男子居外女子居內廟在寢門外入見入寢門可知不見父與賓者蓋

冠畢則已見也不言者從可知也云不見妹妹卑者以其妹卑於姑姊故不見也

○乃易服服

玄冠玄端爵韠奠摯見於君遂以摯見於鄉大夫鄉先

生注易服不朝服者非朝事也摯雉也鄉先生鄉中老

人為卿大夫致仕者音義

贊本又作摯音至朝直遙反

疏

釋曰云易服者爵弁

既助祭之服不可服見君與先生等故易服服玄端也  
注釋曰云易服不朝服者非朝事也者此乃因加冠以  
成人之禮見君非立朝之節故不朝服經直云玄端則  
簾玄冠矣今更云玄冠者以初冠時服玄端為縹布冠  
服縹布冠非常著之冠冠而弊之易服宜服玄冠配玄  
端故簾云玄冠也朝服與玄端同玄端則玄裳黃裳雖  
裳黑屨者朝服玄冠玄端雖同但裳以素而屨色白也  
以其但正幅故朝服亦得端名然六冕皆正幅故亦名  
端是以樂記云魏文侯端冕而聽古樂又論語云端章  
甫鄭云端玄端諸侯視朝之服則玄端以朝得名為玄  
端也云摯雉也者士執雉是其常故知摯是雉也云鄉  
先生鄉中老人為卿大夫致仕者此即鄉飲酒與鄉射

禮先生及書傳父師皆一也先生亦有士之少師鄭不言者經云鄉大夫不言士故先生亦略不言其實亦常有士

○乃醴賓以壹獻之禮注壹獻者主人獻賓而已

即燕無亞獻者獻酢酬賓主人各兩爵而禮成特牲少

牢饋食之禮獻尸此其類也士禮一獻卿大夫三獻賓

醴不用柶者沛其醴內則曰飲重醴清糟凡醴事質者

用糟文者用清音義

少詩召反沛子禮反下同疏釋曰糟子曹反劉本作蒲音糟此醴

亦當為禮不言可知也注釋曰云壹獻者主人獻賓而已即燕無亞獻者案特牲少牢主人獻尸主婦亞獻為

二獻此則主人獻賓而已無亞獻知即燕者鄉飲酒末有燕故知獻後有燕云獻酢酬賓主人各兩爵而禮成

者主人獻賓賓酢主人主人將酬賓先自飲訖乃酬賓賓莫而不舉是賓主人各兩爵而禮成也必知一獻之禮備有酬酢者昏禮舅姑饗婦以一獻之禮奠酬得正禮不旅又曰婦酢舅更爵自薦是備酬酢也鄉飲酒亦備獻酢酬是其義也云特牲少牢饋食之禮獻尸此其類也者此賓主人各兩爵無亞獻彼主人主婦各一爵有亞獻雖不同得主人一獻義類同故云此其類也云士禮一獻者即士冠及昏禮鄉飲酒禮鄉射皆是一獻也云卿大夫三獻者案左氏傳云季孫宿如晉拜莒田也晉侯享之有加籩武子退使行人告曰小國之事大國也苟免於討不敢求貶得貶不過三獻又禮記郊特牲云三獻之介亦謂卿大夫三獻之介案大行人云上公饗禮九獻侯伯七獻子男五獻是以大夫三獻士一獻亦是其差也云醴賓不用柶者泝其醴者此有獻酢酬飲之泝者故不用柶冠禮禮子用醴不泝故用柶也云內則曰飲者鄭注云目諸飲也云重醴清糟者鄭云

重陪也糟醇也清泚也致飲有醇者有泚者陪設之稻醴以下是也云凡醴事質者用糟文者用清者質者謂若冠禮禮子之類是也故以房戶之間顯處設尊也

主人酬賓束帛儷皮注飲賓

客而從之以財貨曰酬所以申暢厚意也束帛十端也

儷皮兩鹿皮也古文儷為離音義

儷音麗兩也飲於鵠反

疏

釋曰云主

人酬賓當奠酬之節行之以財貨也此禮賓與饗禮同但為饗禮有酬幣則多故聘禮云若不覲食致饗以酬幣注云禮幣束帛乘馬亦不是過也又案大戴禮云禮幣采飾而四馬是大夫禮多與士異也案禮器云琥璜爵鄭云天子酬諸侯諸侯相酬以此玉將幣也則又異於大夫也凡酬幣之法尊卑獻數多少不同及其酬幣唯於奠酬之節一行而已春秋秦后子出奔晉后子享晉侯歸取酬幣終事八反杜注云備九獻之儀始禮自

齋其一故饋送其八酬酒幣彼九酬之間皆有幣春秋  
之代奢侈之法非正禮也注釋曰云束帛十端也者禮  
之通例凡言束者無問脯與錦皆以十為數也云儷皮  
兩鹿皮也者當與聘禮庭實之皮同禮記郊特牲云虎  
豹之皮示服猛也又覲禮用馬則國君用馬或虎豹皮  
若臣聘禮則用鹿皮故鄭注聘禮云凡君於臣臣於君  
麋鹿皮可也言可者以無正文若然贊者皆與贊冠者  
兩國諸侯自相見亦用虎豹皮也

為介注贊者衆賓也皆與亦飲酒為衆賓介賓之輔以

贊為之尊之飲酒之禮賢者為賓其次為介音義與音預注

同疏注釋曰鄭知贊者衆賓者以其下別言贊冠者明

之禮賢者為賓其次為介又其次為衆賓彼據將貢以  
為優劣之次也此雖不貢以飲酒之禮立賓主亦以優

劣立介以輔也云以贊為之尊之者謂賓之贊冠者故  
造為介也云飲酒之禮賢者為賓其次為介者取尊賢  
為義賓出主人送于外門外再拜歸賓俎注一獻之禮  
也

有薦有俎其牲未聞使人歸諸賓家也疏

注釋曰賓不言薦脯醢者

案舅姑共饗婦以一獻有姑薦則此一獻亦有薦脯醢可知經有俎必有特牲但鄉飲酒鄉射取擇人而用狗此冠禮無擇人之義則不用狗但無正文故云其牲未聞也知使人歸諸賓家者以賓出主人送于門外乃始言歸賓俎明歸於賓家也○若不醴則醢用酒注若不醴謂國有舊

俗可行聖人用焉不改者也曲禮曰君子行禮不求變俗祭祀之禮居喪之服哭泣之位皆如其國之故謹脩

其法而審行之是也酌而無酬酢曰醢醢亦當為禮音

義

醢子召反疏釋曰自此以上說周禮冠子之法自此

劉側教反以下至取籩脯以降如初說夏殷冠子之法注釋曰云若不醢則醢用酒者案上文適子冠於

之

三加訖一醢於客位是周法今云若不醢則醢用酒

非

周法故知先王法矣故鄭云若不醢謂國有舊俗可

行

聖人用焉不改者也云聖人者即周公制此儀禮用

舊

俗則夏殷之禮是也云曲禮曰已下者是下曲禮文

也

云君子行禮不求變俗者與下文為目謂君子所往

之

國不求變彼國之俗若衛居殷墟者也云祭祀之禮

者若郊特牲云殷人先求諸陽周人先求諸陰求諸陽

者

先合樂乃灌地降神也求諸陰者謂先灌地乃合樂

若衛居殷地用殷禮則先合樂乃灌也云居喪之服者

謂

若檀弓周之諸侯絕旁期降上下殷之諸侯服旁期

不

降上下衛居殷墟亦不降上下也云哭泣之位者殷

禮無文亦應有異也云皆如其國之故者謂上所云皆如其故國之俗而行之云是者依先王舊俗而行不改之事向來所解引曲禮據人君施化之法不改彼國舊俗證此醺用酒舊俗之法也故康誥周公戒康叔居殷墟當用殷法是以云茲殷罰有倫使用殷法故所引曲禮皆據不變彼國之俗但君子行禮不求變俗鄭注云求猶務也若據曲禮之文云君子行禮不求變俗鄭注云求猶務也不務變其故俗重本也謂去先祖之國居他國又云祭祀之禮居喪之服哭泣之位皆如其國之故謹脩其法而審行之注其法謂其先祖之制度若夏殷者謂若杞宋之人居鄭衛鄭衛之人居杞宋若據彼注謂臣去己國居他國不變己國之俗是以定四年祝佗云殷人六族在魯啓以商政亦不變本國之俗故開商政示之皆據當身居他國不變己國之俗與此注引不同者不求變俗義得兩合故各據一邊而言也云酌而無酬酢曰醺者鄭解無酬酢曰醺唯據此文而言所以然者以

周法用醴無酬酢曰醴案曲禮云長者舉未醺鄭注云  
盡爵曰醺是醴不專於無酬酢者若然醴亦無酬酢不  
為醴名者但醴太古之物自然質無酬酢此醴用酒酒  
本有酬酢故無酬酢得名醴也云醴亦當為禮者亦上  
請醴賓之醴故破之也  
尊于房戶之間兩甔有禁玄酒在西加勺

南枋注房戶間者房西室戶東也禁承尊之器也名之  
為禁者因為酒戒也玄酒新水也雖今不用猶設之不

忘古也

疏注釋曰云禁承尊之器也名之為禁者因為  
酒戒也者以醴不言禁醴非飲醉之物故不

設戒為此用酒酒是所飲之物恐醉因而禁之故云因  
為酒戒若然玄酒非飲亦為禁者以玄酒對正酒不可  
一有一無故亦同有禁也云不忘古也者  
上古無酒今雖有酒猶設之是不忘古也  
洗有篚在西

南順注洗庭洗當東榮南北以堂深篚亦以盛勺解陳

於洗西南順北為上也音義

盛音成

疏

注釋曰知洗庭洗者上周法用醴之

時醴之尊在房今醴用酒與常飲酒同故洗亦常在庭是以下云賓降取爵于篚卒洗升酌故知洗在庭也設洗法在設尊前此洗亦常在設尊前設之故此直言洗有篚在西不言設也若然上不言設洗者以其上云醴用酒即連云尊文勢如此故不言設洗云當東榮南北以堂深者上已有文也云篚亦以盛勺解者周法用醴在房庭洗無篚此用酒庭洗有篚故周公設經辨其異者但醴篚在房以盛勺解此庭篚亦盛勺解故云亦也云南順北為上也者席之制有首尾者據識之先後為首尾此篚亦云上者應亦有記識為上下以其南順故言北為始加醴用脯醢賓降取爵于篚辭降如初卒洗上也

升酌注始加者言一加一醺也加冠于東序醺之於戶

西同耳始醺亦薦脯醢賓降者爵在庭酒在堂將自酌

也辭降如初如將冠時降盥辭主人降也凡薦出自東

房疏

釋曰云始加醺用脯醢者此言與周別之事周家三加訖乃一體於客位用脯醢此始加訖即醺于

客位用脯醢是其不同也但言始加醺用脯醢者言商與周異之意其實未行事是以下乃始云賓降取爵于簠也注釋曰云加冠於東序醺之于戶西同耳者經不見者嫌與周異故辯之其經不言冠者醺之處即與周同故經不言也云始醺亦薦脯醢者以其經云醺用脯醢泛言若醺用酒未著其節故亦如上周家三加始薦脯醢云賓降者爵在庭酒在堂將自酌也者決周家醢在房贊者酌授賓賓不親酌此則賓親酌酒洗爵故有

升降也云辭降如初如將冠時降盥辭主人降也者欲見用醴時直有將冠時賓降無賓降取爵以其酌在房故也今云如初者唯謂如將冠降盥之事也云凡薦出自東房者用醴時尊在房脯醢出自東房醢用酒酒尊在堂脯醢亦出自東房鄉飲酒鄉射特牲少牢薦者皆出東房故云凡以該之也

冠者拜受賓

答拜如初注贊者筵于戶西賓升揖冠者就筵乃酌冠

者南面拜受賓授爵東面答拜如醴禮也於賓答拜贊

者則亦薦之疏

注釋曰此經略言拜受答拜不言處所面位言如初者以其雖用酒與周異自

外與周同故直言如初也是以鄭取上醴子法以言之故言如初以結之也云於賓答拜贊者則亦薦之者經直云拜受答拜如初亦不言薦之時節故鄭別言之亦當如周家醴子時薦也凡醴子醴婦并昏禮禮賓面位

不同者皆隨時之便故不同也冠者升筵坐左執爵右祭脯醢祭酒興

筵末坐啐酒降筵拜賓答拜冠者奠爵于薦東立于筵

西注冠者立俟賓命賓揖之則就東序之筵疏

釋曰此經雖用

醴酒不同其於行事與周禮醴子同但位有異彼一加訖入房易服訖出房立待賓命此則醴訖立於席西待賓命為異皆為更加皮弁也云興筵末坐啐酒者為醴於客位敬之故也昏禮禮賓與聘禮禮賓在西階上啐醴者昏禮注云此筵不主為飲食起聘禮注云糟醴不卒故也冠子用醴拜此醴子用酒亦拜者以與醴子同是成人法拜啐故雖用醴亦拜啐也徹薦爵筵尊不徹注徹薦與爵者辟後加也不徹筵尊三加可相因由便也音義使婢面反疏釋

曰云徹薦薦與爵者辟後加也者案下文云加皮弁如初儀再醺攝酒其他皆如初酒則云攝明因前也除酒之外云其他如初明薦爵更設是後加卒設加皮弁如初於席前也故知前云徹薦爵為辟後加也

儀再醺攝酒其他皆如初注攝猶整也整酒謂撓之今

文攝為聶音義

撓劉奴高反  
聶女輒反

疏

注釋曰云攝猶整也整酒謂撓之者案有司徹

云司宮攝酒注云更洗盥整頓之不可云加爵弁如初

儀三醺有乾肉折俎臠之其他如初北面取脯見于母

注乾肉牲體之脯也折其體以為俎臠嘗之音義

折之設反

注同臠疏釋曰前二醺有脯醢更加此乾肉折俎言臠才計反疏之者臠謂至齒嘗之案下若殺再醺不言攝

此經再醢言攝三醢不言攝則再醢之後皆有攝互文以見義也云取脯見于母者亦適東壁俠屏與周同案下文若殺已下云卒醢取籩脯以降此亦取籩脯乾肉曰脯注釋曰云乾肉牲體之脯也者案周禮腊人云掌乾肉凡田獸之脯腊鄭注云大物解肆乾之謂之乾肉若今梁州鳥翅矣薄析曰脯捶之而施薑桂曰脍脩若然乾肉與脯脩別言若今梁州鳥翅或為豚解而七體以乾之謂之乾肉及用之將升于俎則節折為二十一體與燕禮同故總

名乾肉折俎也

○若殺則特豚載合升離肺實于鼎

設局竈注特豚一豚也凡牲皆用左胖煮於鑊曰亨在鼎曰升在俎曰載載合升者明亨與載皆合左右胖離割也割肺者使可祭也可齊也今文局為鉉古文竈為

密音義

殺如字肺芳吠反局古螢反扛鼎也竊亡歷反鼎覆也胖普半反鑊戶郭反亨普庚反鉉延犬

反范古顏反劉

疏

釋曰上醢子用乾肉不殺自此至取

音闕又胡吠反疏籩脯以降論夏殷醢子殺牲之事殺言若者是不定之辭殺與不殺俱得云若也云載合升者在鼎曰升在俎曰載載在後今先言載後言升又合字在載升之間通言之者欲見在俎在鑊俱曰合也云設局竊者以茅覆鼎長則束其本短則編其中案冬官匠人廟門容大局七個注云大局牛鼎之局長三尺又曰闔門容小局參個注云小局腳鼎之局長二尺皆依漢禮而知今此豚鼎之局當用小局也注釋曰云特豚一豚也者此特若郊特牲之特皆以特為一也云凡牲皆用左胖者案特牲少牢皆用右胖少儀云大牢則以牛左肩折九個為歸胙用左則用右而祭之鄉飲酒鄉射主人用右體主人亦與祭同用右者皆據周而言也此云用左鄭據夏殷之法與周異也但士虞喪祭用左

反吉故也云莫於鑊曰亨者案特牲云亨於門外東方西面北上注云亨煮也煮豕魚腊以鑊各一爨詩云誰能亨魚溉之釜鬯是鑊為亨也云在鼎曰升在俎曰載者案昏禮云特豚合升又云側載特牲亦云卒載加匕于鼎少牢云司馬升羊實于一鼎皆是在鼎曰升在俎曰載之文但在鼎直有升名在俎則升載兩稱也故少牢云升羊載右胖升豕其載如羊有司徹亦云乃升注云升牲體於俎也是在俎升載二名也云載合升者明亨與載皆合左右胖者以升載竝陳又合在二者之間故知從鑊至俎皆合左右胖也云離割也割肺者使可祭也可齊也者凡肺有二種一者舉肺一者祭肺就舉肺之中復有三稱一名舉肺為食而舉二名離肺少儀云牛羊之肺離而不提心也三名齊肺以齒齊之此三者皆據生人為食而有也就祭肺之中亦復有三稱一者謂之祭肺為祭先而有之二者謂之剉肺剉切之使斷三者謂之切肺名雖與剉肺異切肺則剉肺也三者

皆為祭而有若然切肺離肺指其形餘皆舉其義稱也  
云今文局為鉉古文麗為密者一部之內皆然不從今  
文故疊

始醢如初注亦薦脯醢徹薦爵筵尊不徹矣疏

之也  
釋曰云始醢如初者此一醢與  
不殺同未有所加故云如初也  
再醢兩豆葵菹羸醢兩

邊栗脯注羸醢蟪蟪醢今文羸為蝸音義

羸力禾反蟪音移劉音反

蟪音俞劉又音由蝸  
力禾反又占華反  
疏釋曰此二豆二邊增數者為有

醢人云細切為齋全物若膳為菹作醢及鬻者先膊乾  
其肉乃後剉之雜以粱麴及鹽漬以美酒塗置甑中百

日則成矣是作醢及菹之法也注釋  
曰云蟪蟪醢者蚘羸蟪蟪爾雅文

三醢攝酒如再醢

加俎齊之皆如初齊肺注攝酒如再醢則再醢亦攝之

矣加俎臠之臠當為祭字之誤也祭俎如初如祭脯醢

疏

注釋曰云攝酒如再醢則再醢亦攝之矣者周公作經取省文再醢不言攝酒以三醢如之則再醢攝之

可知故鄭云再醢亦攝之矣云加俎臠之臠當為祭字之誤也者經有二臠不破如初臠之臠唯破加俎臠之字者以祭先之法祭乃臠之又不宜有二臠故破加俎之臠為祭也云祭俎如初如祭脯醢者以三醢唯祭俎之肺不復祭脯醢也若然前不殺之時一醢徹脯醢為辟再醢之脯醢至再醢不言徹脯醢者以一醢徹脯醢為乾肉不薦脯醢故不徹也今殺亦然一醢徹薦爵至再醢亦不徹薦唯徹爵而已亦為三醢以不加籩豆加牲俎是以祝辭一醢亦云嘉薦至三醢直云籩卒醢取籩豆有楚楚陳列貌是三醢不加籩豆明文也

脯以降如初疏

釋曰此取籩脯見母與前不異上周法與不殺皆不云籩者上皆直薦脯醢不

云籩豆此若殺云兩籩故云籩脯若然既殺有俎肉而取脯者見其得禮而已故不取俎肉如若得束帛者不須取脯是以冠禮禮賓○若孤子則父兄戒宿注父兄得束帛皆不取脯也

諸父諸兄疏

釋曰上陳士有父加冠禮訖自此至東塾北面論士之無父自有加冠之法也周公

作文於此乃見之者欲見周與夏殷孤子同冠於阼階禮之於客位惟一醴三醢不同耳是以作經言其與上異者而已注釋曰言父兄諸父諸兄者以其上文父兄非直戒宿而已故知此是諸父諸兄非已之親父親兄也冠之日主人紒而迎賓拜揖讓立于序端皆如冠主

禮於阼注冠主冠者親父若宗兄也古文紒爲結今文

禮作醴疏

釋曰云主人紒而迎賓者即上采衣紒是也云拜揖讓立于序端者謂主人出先拜賓答

拜訖揖讓而入于席門既入門又三揖至階又三讓而升堂乃立于東序端賓升立西序端一皆如上父兄為主故作文省略總云揖讓立于序端皆如冠主也云禮於阼者別言其異者也注釋曰云今大禮作醴者鄭不從今文者以其言醴則不兼凡拜北面于阼階上賓於醴言禮則兼醴醴二法故也

亦北面于西階上答拜疏

釋曰此亦異於父在者云凡拜者謂初拜至及啐拜之等

賓主皆北面與父在時拜于筵西南面賓拜于序端東面為異也

若殺則舉鼎陳于門

外直東塾北面注孤子得申禮盛之父在有鼎不陳於

門外疏

釋曰云若殺者有則殺無則已故云若不定之辭也言舉鼎者謂於廟門外之東辟鑊所舉至

廟門外之東直東塾三鼎豚魚腊鼎皆北向相重而列之也注釋曰案上文父在亦有殺法今鄭云孤子得申

禮處之者不為殺起止為陳鼎于外而言鄭知父在有鼎不陳於外者以上文若殺直云特豚載合升不辯外內孤子乃云舉鼎陳于門外類知上父在陳鼎不於門外也凡陳鼎在外者賓客之禮也在內者私家之禮也是在外者為盛也今孤子則陳鼎

○若庶子則冠于房

在外故云孤子得中禮盛之也

外南面遂醺焉注房外謂尊東也不於阼階非代也不

醺於客位成而不尊疏

釋曰上已言三代適子冠禮訖此經論庶子加冠法也周公作

經於三醺之下言之則三代庶子冠禮皆於房外用醺矣但不知三代庶子各用幾醺耳今於周之適子三加一醺夏殷適子三加三醺是以下文祝辭醴一而醺三皆為適子而言至於三代庶子皆不見別辭則周之庶子宜依適子用一醺夏殷庶子亦依三醺三代適子有祝辭若庶子則無故下文注云凡醺者不祝注釋曰

知房外謂尊東也者上陳尊在房戶之間案鄉飲酒賓在東則尊東明此亦於尊東也云不於阼階非代也者案下記云適子冠於阼以著代也明庶子不於阼非代故也云不醮於客位成而不尊者下記云醮於客位加有成也是適子於客位成而尊之此

○冠者母不在則

使人受脯于西階下

疏釋曰案內則云舅沒則姑老若死當云沒不得云不在且母死

則不得使人受脯今言不在者或歸寧或疾病也使人受脯為母生在於後見之也

○戒賓曰某

有子某將加布於其首願吾子之教之也注吾子相親

之辭吾我也子男子之美稱古文某為謀音義

稱尺證反下之

稱美疏釋曰自此至唯其所當者周公設經直見行事稱同疏恐失次第不言其辭今行事既終總見戒賓醮

及為字之辭也云某有子某者上某主人名下某子之名加布初加緇布冠也云願吾子之教之也者即此以加冠行禮為教之也注釋曰云吾子相親之辭吾我者也者謂自己身之子故云吾子相親之辭也云子男子之美稱者古者稱師曰子又公羊傳云名不若字字不若子是子者男子之美稱也今請賓與子加冠故以美稱呼之

賓對曰某不敏恐不能共事以病吾子敢辭注病猶辱也古文病為秉音義共音恭主人曰某猶願吾子之

終教之也賓對曰吾子重有命某敢不從注敢不從許

之辭音義

重直用反下注同

宿曰某將加布於某之首吾子將

泣之敢宿賓對曰某敢不夙興注泣臨也今文無對音

義音利始加祝曰令月吉日始加元服注令吉皆善

也元首也疏注釋曰元首左傳曰先軫入狄師而死之狄人歸先軫之元是元為首又尚書云君

為元首亦是元為首也棄爾幼志順爾成德壽考惟祺介爾景福

注爾女也既冠為成德祺祥也介景皆大也因冠而戒

且勸之女如是則有壽考之祥大女之大福也音義

音祺

其女音疏注釋曰云既冠為成德者案冠義既冠責以汝下同父子君臣長幼之禮皆成人之德云祺祥也

者祺訓為祥祥又訓為善也云因冠而戒者則經棄爾幼志順爾成德是也云且勸之者即經云壽考惟祺介

爾景福是也再加曰吉月令辰乃申爾服注辰子丑也申重

也疏

釋曰上云令月吉日此云吉月令辰互見其言是作文之體無義例也注釋曰云辰子丑也者以十

幹配十二辰直云辰子丑明有幹可知即甲子乙丑之類略言之也

敬爾威儀淑慎爾德

眉壽萬年永受胡福注胡猶遐也遠也遠無窮古文眉

作麋音義

麋亡悲反

三加曰以歲之正以月之令咸加爾服

注正猶善也咸皆也皆加女之三服謂緇布冠皮弁爵

弁也兄弟具在以成厥德黃耆無疆受天之慶注黃黃

髮也耆凍皤也皆壽徵也疆竟音義

耆音苟疆居良反竟也下同竟音敬

景

又音疏

注釋曰爾雅云黃髮兒齒故以黃為黃髮也云耆凍皤者爾雅云耆老壽也此云耆凍皤者以

其面似凍犁之色故也醴辭曰甘醴惟厚嘉薦令芳注嘉善也善

薦謂脯醢芳香也疏

注釋曰謂脯醢為善薦芳香者謂作之依時又造之依法故使芳香

而善拜受祭之以定爾祥承天之休壽考不忘注不忘也

長有令名音義

休虛蚪反

醴辭曰旨酒既清嘉薦亶時注亶

誠也古文亶為瘠音義

亶丁但反時劉本作古音始加字瘠劉音旦一音丁但反

元服兄弟具來孝友時格永乃保之注善父母為孝善

兄弟為友時是也格至也永長也保安也行此乃能保

之今文格為嘏凡醴者不祝音義

嘏古雅反又作假

疏

注釋曰善父母

為孝善兄弟為友者爾雅文不言善事父母兄弟之善者欲見非但善事父母兄弟而亦為父母兄弟之所善者諸行周備之意也云凡醺者不祝者案上文前後例周與夏殷冠子法其加冠祝辭三節不辨三代之異則三代祝辭同可知也至於周醺之辭三等別陳之者以其數異辭宜不同故也若然醺辭唯據適子而言以其將著代重之故備見祝辭也此注云凡醺者不祝者言凡謂庶子也既不加冠於阼又不禮於客位無著代之理故略而輕之也亦不設祝辭者曾子問注云凡殤不備祭之類也其天子冠禮祝辭案大戴公冠篇成王冠周公為祝詞使王近於人遠於年嗇於時惠於財其辭既多不可具載其諸侯無文蓋亦有祝辭異於士也

再醺曰旨酒既滑嘉薦伊脯注滑清也伊惟也音義

滑息

呂疏注釋曰滑涕酒之稱故伐木詩云有酒滑我注云反疏滑苗之也鳧鷖詩云爾酒既滑注云滑酒之沛者

是涇為清也云伊惟也者助句辭非為義也

乃申爾服禮儀有序祭此嘉爵

承天之祜注祜福也音義

祜音戶

三醑曰旨酒令芳籩豆

有楚注旨美也楚陳列之貌疏

注釋曰楚詩亦云籩豆有楚注云楚陳列之

貌是用其再醑之籩豆不增改之故云有楚也

咸加爾服有升折俎承天之慶

受福無疆注有升折俎亦謂豚疏

注釋曰云折俎者即謂折上若綏之豚也

字辭曰禮儀既備令月吉日昭告爾字爰字孔嘉注昭

明也爰於也孔甚也疏

釋曰此字文在三醑之下而言則醑與三醑字辭同可知此辭

實直西序東面與子為字時言之也

髦士攸宜宜之于假永受保之注髦

俊也攸所也于猶為也假大也宜之是為大矣音義

假古

雅反大也

曰伯某甫仲叔季唯其所當注伯仲叔季長幼之

稱甫是丈夫之美稱孔子為尼甫周大夫有嘉甫宋大

夫有孔甫是其類甫字或作父音義

長丁丈反父音甫又如字

疏

釋曰

云伯某甫者某若云尼甫嘉甫也但設經不得定言人字故言某甫為且字是以禮記諸侯薨復曰舉某甫復鄭云某甫且字以臣不名君且為某之字呼之既此某甫立為且字言伯仲叔季者是長幼次第之稱若兄弟四人則依次稱之夏殷質則稱仲周文則稱叔若管叔霍叔之類是也云唯其所當者二十冠時與之作字猶孔子生三月名之曰丘至二十冠而字之曰仲尼有兄曰伯居第二則曰仲但殷質二十為字之時兼伯仲叔

季呼之周文二十為字之時未呼伯仲至五十乃加而  
呼之故檀弓云五十以伯仲周道也是呼伯仲之世則  
蕪二十字而言若孔子生於周代從周禮呼尼甫至五  
十去甫以尼配仲而呼之曰仲尼是也若然二十冠而  
字之未呼伯仲叔季今於二十加冠而言者一則是殷  
家冠時遂以二十字呼之二則見周家若不死至五十  
乃加而呼之若二十已後死雖未滿五十即得呼伯仲  
知義然者見慶父乃是莊公之弟桓六年莊公生至閔  
公二年慶父死時莊公未滿五十慶父乃是莊公之弟  
時未五十慶父死號曰共仲是其死後雖未五十得呼  
仲叔季故二十冠時則以伯仲叔季常擬之故云唯其  
所當也注釋曰知甫是丈夫之美稱者以其人之賢愚  
皆以為字故隱元年公及邾儀父盟于蔑穀梁傳云儀  
字也父猶傳也男子之美稱也是也云孔子為仲尼甫  
者哀十六年孔丘卒哀公誄之曰哀哉尼甫因字號諡  
曰尼甫也云周大夫有嘉甫者桓公十五年天王使嘉

甫來求車是也云宋大夫有孔甫是其類者左氏傳桓二年宋孔父嘉為司馬是也鄭引此者證有冠而為此字之意故云是其類也又甫字或作父者字亦通或尼甫嘉甫孔甫等見為父字者也○屨夏用

葛玄端黑屨青絢純純博寸注屨者順裳色玄端黑

屨以玄裳為正也絢之言拘也以為行戒狀如刀衣鼻

在屨頭縷縫中紉也純緣也三者皆青博廣也音義

九屨

遇反絢其于反縷於力反純章允反劉之疏釋曰自此閏反注下同縫扶用反紉音旬緣以緇反至總屨論三服之屨不於上與服同陳者一則屨用皮用葛冬夏不同二則屨在下不宜與服同列故退在於此此言夏用葛下云冬皮則春宜從夏秋宜從冬故舉冬夏寒暑極時而言詩魏風以葛屨履霜刺褊也注釋曰云屨者

順裳色者禮之通例衣與冠同屨與裳同故云順裳色也云玄端黑屨以玄裳為正也者以其玄端有玄裳黃裳雜裳經唯云玄端黑屨與玄裳同色不取黃裳雜裳故云以玄裳為正也云紃之言拘也以為行戒者以拘者自拘持之意故云以為行戒也云狀如刀衣鼻在屨頭者此以漢法言之今之屨頭見有下鼻似刀衣鼻故以為況也云縵縫中紃也者謂牙底相接之縫中有條紃也云純緣也者謂繞口緣邊也云皆青者以經三者同云青也云博廣也者素積白屨以魁柎之縵紃純謂純所施廣一寸也

純博寸注

魁蜃蛤柎注也音義

魁苦回反柎方于反疏

釋曰以魁蛤灰柎之者取其白耳注釋曰云魁蜃蛤者魁即蜃蛤一物是以周禮地官掌蜃掌共白盛之蜃鄭司農云謂蜃炭引此士冠白屨以魁柎之某謂今東萊用蛤謂之又灰云是也云柎注者以蛤灰塗注於上使

色白爵弁纁屨黑絢纁純純博寸注爵弁屨以黑爲飾也

爵弁尊其屨飾以纁次音義

戶疏釋曰案此三服見內反屨不同何者玄端

以衣見屨以玄端有黃裳之等裳不得舉裳見屨故舉玄端見屨也皮弁以素積見屨屨裳同色是其正也爵弁既不舉裳又不舉衣而以爵弁見屨者上陳服已言纁裳裳色自顯以與六冕同玄衣纁裳有冕服之嫌故不以衣裳而以首服見屨也注釋曰云爵弁屨以黑爲飾爵弁尊其屨飾以纁次者案冬官畫纁之事云青與白相次赤與黑相次玄與黃相次鄭云此言畫纁六色所象及布采之第次纁以爲衣又云青與赤謂之文赤與白謂之章白與黑謂之黼黑與青謂之黻鄭云此言刺繡采所用繡以爲裳此是對方爲纁次比方爲繡次案鄭注屨人云複下曰烏禪下曰屨又注云凡烏之飾如纁之次凡屨之飾如繡之次也此即上黑屨以青爲

絢纁純白履以黑為絢纁純則白與黑黑與青為繡次之事也今次爵弁纁履纁南方之色赤不以西方白為絢纁純而以北方黑為絢纁純者取對方績次為飾與鳥同者尊爵弁是祭服故飾與鳥同也冬皮履

可也疏

釋曰冬時寒許用皮故云可也

不屨總屨注總屨喪屨也屨不

灰治曰總音義

總音歲

疏

注釋曰案喪服記云總衰四升有半總衰既是喪服明總屨亦

是喪屨故鄭云喪屨也云屨不灰治曰總者斬衰冠六升傳云鍛而勿灰則四升半不灰治可知言此者欲見大功未可以冠子恐人以冠子故於屨末因禁之也

記疏

釋曰凡言記者皆是記經不備兼記經外遠古之言鄭注燕禮云後世衰微幽厲尤甚禮樂之書稍

稍廢棄蓋自爾之後有記乎又案喪服記子夏為之作傳不應自造還自解之記當在子夏之前孔子時未知

定誰所錄又鄭注禮記冠義云冠義者記子冠中之義也者記時不同故有二記此則在子夏前其周禮考工記六國時所錄故遭秦燔滅典籍有韋氏雕氏闕其記則在秦漢之際儒者加之故王制有正聽之棘木之下異時所記故冠義始冠緇布之冠也大古冠布齊則緇其言亦殊也

之其緇也孔子曰吾未之聞也冠而敝之可也注大古

唐虞以上緇纓飾未之聞大古質無飾重古始冠冠其

齊冠白布冠今之喪冠是也音義

大音泰注同齊側皆反注同本亦作齋緇

如離反注同敝婢世反劉齊疏

釋曰此經直言加緇布冠不言有緇無緇又不

言加冠之後此緇布冠更著與不故言不緇不更著之事也云大古冠布者謂著白布冠也云齊則緇之者將

祭而齊則為緇者以鬼神尚幽闇也云其緇也孔子曰  
吾未之聞也者孔子時有緇者故非時人緇之諸侯則  
得著緇故玉藻云緇布冠續緇諸侯之冠也鄭云尊者  
飾也士冠不得緇也云冠而敝之可也者據士以上冠  
時用之冠訖則敝之不復著也若庶人猶著之故詩云  
彼都人士臺笠緇撮是用緇布冠籠其髮是庶人常服  
之矣注釋曰云大古唐虞以上者此記與郊特牲皆陳  
三代之冠云牟追章甫委貌之等鄭注郊特牲云三代  
改制齊冠不復用也以白布冠質以為喪冠也三代既  
有此明大古是唐虞以上可知云緇纓飾未之聞大古  
質無飾者此經據孔子時非其著緇未知大古有緇以  
否故鄭云大古質無飾也云重古始冠其齊冠者以  
經云始冠緇布之冠即云大古冠布則齊冠一也故鄭  
云冠其齊冠也云白布冠者今之喪冠是也者以其大  
古時吉凶同服白布冠未有喪冠三代有牟追之等  
則以白布冠為喪冠若然喪服起自夏禹以下也 ○

適子冠於阼以著代也醮於客位加有成也三加彌尊

諭其志也音義

適丁歷反疏釋曰此記人說夏殷法可本又作嫡兼于周以其於阼及三加

皆同唯醮禮有異故知舉一以見二也冠而字之敬其名也注名者質所

受於父母冠成人益文故敬之疏

注釋曰案內則云子生三月父名之不言

母今云受於父母者夫婦一體受父即是受於母故兼言也云冠成人益文者對名是受於父母為質字者受於賓為文故君父之前稱名至於他人稱字也是字敬名也

○委貌周道也章甫殷

道也毋追夏后氏之道也注或謂委貌為玄冠委猶安

也言所以安正容貌章明也殷質言以表明丈夫也甫

或爲父今文爲斧母發聲也追猶堆也夏后氏質以其形名之二冠皆所常服以行道也其制之異同未之聞

音義

母音牟追丁回反注同堆丁回反本或作埴同

疏

釋曰記人歷陳此三代冠者上緇布冠是諸侯

已下始加之冠此委貌之等記人以經有緇布冠皮弁爵弁玄冠故還記緇布冠以下四種之冠以解經之四者此委貌即解經易服服玄冠是也注釋曰云今文爲斧者義無取故疊之不從也云母發聲也者若在上謂之發聲在下謂之助句義無取則是發聲也云三冠皆所常服以行道者以釋經三代皆言道是諸侯朝服之冠在朝以行道德者也云其制之異同未之聞者委貌玄冠於禮圖有制但章甫母追相與異同未聞也

弁殷冏夏收注弁名出於槃槃大也言所以自光大也

尋名出於幬幬覆也言所以自覆飾也收言所以收斂

髮也齊所服而祭也其制之異未聞音義

尋况甫反幬火畔干反

吳疏釋曰又歷陳此三者欲見三代加冠皆有弁云周

反疏

弁者弁是古冠之大號非直言爵弁亦兼含六冕

於其中見士之三加之冠周為爵弁故歷陳此三者也

注釋曰云弁名出於槃槃大也者無正文鄭以意解之

論語云服周之冕以五色繅服有文飾則知有德故云

言所以自光大也云尋名出於幬幬覆也言所以自覆

飾也叔言所以收斂髮也者皆以意解之也云制之異

亦未聞者案漢禮器制度弁冕周禮弁冕相參考之冕

以木為體廣八寸長尺六寸績麻三十升布為之上以

玄下以纁前後有梳尊卑各有差等天子玉弁朱紕其

制可聞云未聞者但夏殷之禮三王共皮弁素積注質

亡其制與周異亦如上未聞也

不變疏

釋曰此亦三代自天子下至士皆是再加當在周升三加之上退之在下者欲見此是三代之

冠百王同之無別代之稱也故郊特牲云三王共皮弁注云所不易於先代故孝經亦云百王同之不改易也

若然百王同之言三王共者以損益之極極於三王又上三冠亦據三代故云三王共皮弁其實先代後代皆

不易是以鄭云質不變也 ○無大夫冠禮而有其昏禮古者五十而

后爵何大夫冠禮之有注據時有未冠而命爲大夫者

周之初禮年未五十而有賢才者試以大夫之事猶服

士服行士禮二十而冠急成人也五十乃爵重官人也

大夫或時改娶有昏禮是也疏

釋曰此經所陳欲見無大夫冠禮之事有大夫

冠禮記者非之注釋曰鄭云據時有未冠而命為大夫者言周末作記之時有二十以前未加冠而命為大夫者記非之也云周之初禮年未五十而有賢才者試以大夫之事猶服士服行士禮者鄭解古者五十而後爵何大夫冠禮之有是古者未有周大夫有冠禮故非之此鄭云未五十則二十已上或有未二十有賢才亦得試為大夫者故喪服殯小功章云大夫為昆弟之長殯鄭云大夫為昆弟之長殯小功謂士若不仕以此知為大夫無殯服言為大夫無殯服謂兄殯在小功則兄十九已下死大夫則十九以下既為兄殯服已為大夫則早冠矣丈夫冠而不為殯故也雖早冠亦行士禮而冠是大夫無冠禮也云二十而冠急成人也五十乃爵重官人也者解試為大夫二十則其爵命要待五十意也云大夫或時改娶有昏禮者釋經而有其昏禮以其三十而娶五十乃命為大夫則昏時猶為士何得有大夫昏禮乎五十以上容改娶故有大夫昏禮也若然案下

文古者生無爵鄭云古謂殷此經以古為周初者下云古者生無爵對周時士生有爵故知古者生無爵據殷也今此云古者以周末時大夫冠對周初時無若以古者為殷時則周家有大夫冠禮何得言周末始有乎明古者據初公侯之有冠禮也夏之末造也注造作也自而言也

夏初以上諸侯雖父死子繼年未滿五十者亦服士服行士禮五十乃命也至其哀末上下相亂篡弑所由生故作公侯冠禮以正君臣也坊記曰君不與同姓同車

與異姓同車不司服示民不嫌也以此坊民民猶得同

姓以弑其君者音義

纂初患反坊音防

疏

釋曰記人言此者欲見夏初以上雖諸侯

之貴未有諸侯冠禮猶依士禮故記之於士冠篇末也  
注釋曰云自夏初以上者以經云公侯之有冠禮夏之  
末造明夏初未有言以上者夏以前唐虞之等亦未有  
諸侯冠禮也未滿五十者亦服士服行士禮五十乃命  
也者既云服士服行士禮亦如上文五十而後爵何公  
侯冠禮之有以其與大夫同未五十服士服行士禮也  
云至其衰末上下相亂至以正君臣也者解經夏之末  
造公侯冠禮也引坊記者欲見夏末以後制諸侯冠禮  
以防諸侯相篡弑之事也云同車者謂參乘為車右及  
御者也云不同服者案玉藻云君之右虎裘厥左狼裘  
又云僕右恒朝服君則各以時事服是不同服天子之  
此謂非在軍時若在軍時君臣同服韋弁服也

元子猶士也天下無生而貴者也注元子世子也無生

而貴皆由下升疏

釋曰此記者見天子元子冠時亦依士冠禮故於此兼記之也天子之元

子雖四加與十二而冠其行事猶依士禮也故云猶士也元子尚不得生而貴則天下之人亦無生而貴者也注釋曰云無生而貴皆由下升者天子元子冠時行士禮後繼世為天子是由下升自餘天下之人從微至著皆由下升也繼世以立諸侯象賢也注象法也為子孫能法

先祖之賢故使之繼世也疏

釋曰記此者欲見上言天子之子冠行士禮此諸侯

之子冠亦行此禮以其士之子恒為士有繼世之義諸侯之子亦繼世象父祖之賢雖繼世象賢亦無生而貴者行士冠禮故記之於此也注釋曰云能法先祖之賢者凡諸侯出封皆由有德若周禮典命云三公八命其卿六命大夫四命及其出封皆加一等出為五等諸侯即為始封之君是其賢也於後子孫繼立者皆不毀始祖之席是象以官爵人德之殺也注殺猶衰也德大者先祖之賢也

爵以大官德小者爵以小官音義

殺色界反舊疏釋曰所例反注同

記此者欲見仕者從士至大夫而冠無大夫冠禮者也云以官爵人者以用也謂用官爵命於人也注釋曰云德之殺也者殺衰也以德大小為衰殺故鄭云德大者爵以大官德小者爵以小官官者管領為名爵者位次高下之稱也死而諡今也古者生無爵死無諡注今謂周衰

記之時也古謂殷殷士生不為爵死不為諡周制以士

為爵死猶不為諡耳下大夫也今記之時士死則諡之


非也諡之由魯莊公始也音義

諡時疏釋曰記人記此志反疏釋曰記人記此

陳冠禮以士為本者由無生而貴皆從士賤者而升也云死而諡今也者以士生時雖有爵死不合有諡若死

而諡之正謂今周衰之時也云古者生無爵死無諡者古謂殷以前夏之時士生無爵死無諡是士賤今古皆不合有諡也注釋曰鄭云今謂周衰記之時也者以記者自云今也明還據周衰記之時案禮運云孔子曰我觀周道幽厲傷之是周衰也自此以後始有作記故云周衰記之時也云古謂殷者周時士有爵故知古謂殷云殷士生不為爵死不為諡者對周士生有爵死猶不諡也云周制以士為爵死猶不諡耳下大夫也者案周禮掌客職云羣介行人宰史以其爵等為之牢禮之陳數鄭注云以命數則參差難等略於臣用爵而已羣介行人皆士故知周士有爵雖有爵死猶不諡卿大夫以上則有諡也云今記之時士死則諡之非也者解經死而諡今也云諡之由魯莊公始也者案禮記檀弓云魯莊公及宋人戰于乘丘縣賁父御卜國為右馬驚敗績公墜佐車授綏公曰未之卜也縣賁父曰他日不敗績而今敗績是無勇也遂死之圍人浴馬有流矢在白肉

公曰非其罪也遂誅之士之有誅自魯莊公始也若然作記前莊公誅士至記時亦行之故此記云死而諡今也故鄭云今謂周衰之時也案郊特牲云死而諡之今也古者生無爵死無諡鄭注云古謂殷以前也大夫以上乃謂之爵死有諡也以此而言則殷大夫以上死有諡而檀弓云幼名冠字五十伯仲死諡周道也者殷已前皆因生號為諡若堯舜禹湯之屬是也因生號以諡故不得諡名周禮死則別為諡故云死諡周道也



儀禮注疏卷一

儀禮注疏卷一考證

筮于廟門疏但著龜卦兆各有所對○但著龜卦兆五  
字監本脫去臣學健按下以著龜卦兆對言之若脫  
此則下句無所承今尋繹文義補之

主人玄冠朝服疏既云素韠○監本作云素韠者今從  
朱子通解改

又疏證此玄冠朝服而筮者是諸侯之士○冠監本  
作冕臣紱按士服至爵弁而止無冕也今改正

有司如主人服疏亦尊類也○尊監本作親

臣龍官按

上文云是言屬者尊之義則此當是尊

布席于門中疏擬卜筮之事○擬監本作疑

臣紱按此

所布之席擬用以卜筮也燕禮膳宰具官饌疏云擬燕可證

筮人執筴○敖繼公云筴當作筮傳寫之誤也

疏少牢大夫禮亦云三人占○

臣學健按少牢無此

文朱子亦曾疑之

乃宿賓賓如主人服注其不宿者為衆賓或悉來或否  
○為字陸讀作去聲疏以為衆賓貫下句朱子云疏  
與音皆非是為只合作如字讀賓字句絕

夙興設洗直于東榮注其大小異○其一本作及臣學

健按及字意相連其字意另出玩上文云水器尊卑

皆用金罍當是其字

疏榮屋翼也即今之搏風○臣紱按搏風謂屋榮在

兩旁如鳥翼之搏風也刻本混作搏非

爵弁服疏此經云韎韐玉藻云緼韍○監本脫玉藻云

緼韍五字

臣紱

按下文云二者一物則必有此句乃

明

又疏離為鎮霍○霍毛本作瞿此緯書無可考

緼布冠缺項注缺讀如有頰者弁之頰○

臣恂

按萬斯

大讀如字謂冠項後缺者非也此另是一物非即緼

布冠緼布冠在匱待于西坵南缺項在篋陳于房

主人迎出門左疏據主人在東賓在西○監本脫東賓

在三字

臣紱

按主無在西之理與賓相對語意乃全

贊者盥于洗西升疏贊者盥于洗西無正文○

臣紱

按

經文明言之乃云無正文何也此或有譌

賓筵前坐疏匠人天子之堂九尺○

臣紱

按考工記匠

人職云周人明堂堂崇一筵疏蓋据此文而約之

贊者洗于房中側酌醴○萬斯大云經無北堂置洗之

文當以贊者洗為句謂贊者就阼階下直東榮之洗

洗解而入房中酌醴耳

臣紱

按經言洗于房中則房

中有洗可見此省文法也前言醴在服北則固在房中矣何必又言房中酌之乎當以注疏為正

捷杻○捷石經及敖本作逮今從釋文

母拜受注婦人於丈夫雖其子猶俠拜○臣紱按古人

於禮所專行者必特拜之不以卑幼為嫌如特牲餼則父先拜其子士昏禮舅姑饗婦則舅拜獻其婦此經母拜其子亦然因其冠而拜之非為受脯也

乃醴賓以壹獻之禮疏質者謂若冠禮禮子之類是也

故以房戶之間顯處設尊也○

臣紱

按此三句內似

有脫文當云質者謂若冠禮禮子之類是也故設尊在房中文者此禮賓是也故以房戶之間顯處設尊也文義方完備

冠者升筵坐疏聘禮注云糟醴不卒故也○卒監本譌

啐

臣紱

按謂不卒爵也經云啐醴則非不啐明矣

若殺則特豚載合升○教繼公云載字衍文

臣紱

按昏

禮期初昏陳鼎亦云其實特豚合升無載字

再醺兩豆疏云蜺蜺醺者蜺蜺蜺蜺○監本脫蜺蜺蜺蜺  
蜺蜺四字今考爾雅補之

若孤子疏惟一醴三醺不同耳○監本作一醴三醴

臣

紱

按醴一而已醺則有三蓋刻本互譌据經文正之

若庶子疏於三醺之下言之○醺監本作代

臣紱

按上

經言三醺非三代也

又疏皆為適子而言○適子監本譌作三代

臣紱

按

以上下文意求之應以適子為是

戒賓曰某有子某○以下二十一節教繼公云以士昏  
禮例之皆當為記文此在經末未詳

始加祝曰○以下諸祝辭

臣紱

按朱子云皆當以古音

讀之其韻乃叶故通解載有叶音是也然陸德明釋  
文本無叶音朱子叶音止依吳棫韻補未有訂正如  
嘉字當居何反宜字當牛何反今讀宜如字而嘉叶  
居之反以就之準之古音亦不盡合今仍去之以還

陸氏之舊

始加元服兄弟具來疏凡殤不備祭之類也○監本脫

備字

臣紱

按祭殤不備禮非不祭也今从曾子問注

補之

冠義始冠疏未知大古有綈以否○以或云當改作與

臣紱

按以否猶言與否唐人語多如此賈疏內時有

之不必改

周弁殷冔夏收疏非直言爵弁亦兼含六冕于其中見  
士之三加之冠周為爵弁故歷陳此三者也○監本

云非直含六冕亦兼爵弁於其中見士之三加之冠者爵弁者故云弁弁者冠名也臣紱按上二句語勢似倒以六冕尊於爵弁也爵弁者以下語不相貫今畧以經意順之而仍存其舊文于此

繼世以立諸侯象賢也○朱子云此下三節於冠義無所當疑錯簡也疏義亦非是

儀禮注疏卷一考證